



江北運程卷二十五提綱

江南徐州府邳州至宿遷縣境



邳州古下邳也

今州治艾山

邳宿運道當八牖下游時視東境為溢酒

泲河經邳州自黃林莊上接山東兗州府嶧縣入境起

右岸過伊家河尾

八里左岸黃道人橋邳州

五里左岸梁王城邳州有河清牖跨河

江北運程 卷二十五 提綱

右岸過荆山河口

十里左岸泲溝邳州

十里右岸大王廟邳州有河定牖跨河

十里右岸灘上邳州

十里左岸徐塘口邳州自東來入運者沂水支津也有河成牖跨河

十里右岸三岔河邳州

十里左岸貓兒窩邳州

十里左岸馬莊集邳州有匯澤牖跨河

十里左岸隅頭集邳州

五里左劉家口
邳州

五里兩岸
寨灣邳州

右自黃林莊起至寨灣泇河行邳州境計程一百三里下

入宿遷縣界泇河

以上自卷二十三至此紀泇河經滕縣嶧縣邳州境凡二百六

十二里

江北通程

卷二十五
提綱

二

十二里

大邑縣界早河

古自黃林莊起至寨灣泇河行邳州境計程一百三里下

江南徐州府邳州至宿遷縣境

邳州古下邳也。

一統志邳州在徐州府東北一百五十里。東西距一百里。南北距一百四十里。東至宿遷縣界三十里。西至銅山縣界七十里。南至睢甯縣界九十里。北至山東沂州府沂水縣界五十里。東南至宿遷縣治九十里。西南至安徽鳳陽府靈璧縣治一百八十里。東北至沂州府郯城縣治一百六十里。西北至山東兗州府嶧縣治一百十里。江南通志邳州東三十里至合溝宿遷縣

江北運程

卷二十五

一

界。西七十里至汴塘銅山縣界。南九十里至木社睢甯縣界。北五十里至重防山東沂水縣界。一統志禹貢徐州之域。夏商邳國。戰國屬齊。爲下邳邑。秦置下邳縣。漢屬東海郡。後漢永平十五年置下邳國。晉因之。宋爲下邳郡。後魏孝昌元年於縣置東徐州。梁中大通五年改曰武州。改下邳縣曰歸政縣。東魏武定八年復曰東徐州。下邳縣。周改曰邳州。隋開皇初郡廢。大業初州廢。以縣屬下邳郡。唐武德四年復置邳州。貞觀元年州廢。以縣屬泗州。元和四年改屬徐州。五代因之。宋太平興國七年於縣置淮揚軍。屬京東東路。金貞祐三年復曰邳州。屬山東西路。

元亦曰邳州。至元八年改屬歸德府。明初以州治下邳縣省入屬鳳陽府。洪武十五年改屬淮安府。本朝康熙二十八年遷州治於東北界艾山南。仍屬淮安府。雍正三年以州直隸江蘇省。領宿遷睢甯二縣。十一年升徐州爲府。以州屬之。圖志邳州衝繁難。西南至府一百五十里。有直河新安泖口三鎮。巡檢駐舊城。方輿紀要邳州北控齊魯。南蔽江淮。水陸交通。實爲衝要。春秋時謂之淮北地。戰國策蘇代謂齊王有淮北則楚之東國危。蓋淮南襟要。恆在上游也。漢室紛更。徐淮最爲多事。曹操得之。遂以控扼東南。及晉室之衰。縱橫馳逐。下邳幾無甯歲。劉裕

江北運程

卷二十五

二

之平南燕也。帥舟師自淮入泗。至下邳。留船艦步進。及盧循逼建康。裕還至下邳。以舟載輜重。自帥精銳步歸建康。則下邳實水陸之衝矣。故後魏尉元亦云。宋人向彭城。必由清泗過宿預。歷下邳。趨青州。亦由下邳沂水經東安。此數者皆宋人用師之要。今若先定下邳。平宿預。鎮淮陽。戍東安。在山東沂水縣則青冀諸鎮。時冀州治歷城。可不攻而克。蓋爭淮北必爭下邳也。歷梁陳之季。下邳嘗爲戰場。後周取邳。徐以臨淮南。朱溫爭邳。徐以阻行密。唐光

化二年。楊行密攻徐州不克。引還。汴人追之。及於下邳。殺千餘人。亦其證也。蓋南北爭雄。得失之

機常視淮泗。下邳豈非必爭之地歟。下邳城在州治東。陶按方輿紀要

言州治謂舊城也其言距州里數皆據舊城而言

古邳國也左傳昭元年趙文子曰商

有姓邳此卽邳國矣應劭曰邳在薛後徙此故曰下邳臣瓚曰

有上邳故云下春秋定元年傳云薛祖奚仲遷於邳或以自北

遷此故謂之下邳秦置下邳縣屬薛郡二世二年項梁西渡淮

軍下邳是也漢初封韓信爲楚王都下邳後爲縣屬東海郡後

漢建武四年董憲等保下邳旣而去下邳還蘭陵五年帝徇彭

城下邳永平十五年東巡耕於下邳十七年改置下邳國於此

建安初先主爲徐州牧屯下邳呂布襲取之三年曹操破斬布

於下邳四年先主取徐州留關壯繆守下邳尋爲操所敗魏晉

江北道程

卷二十五

三

皆爲下邳國嘗爲重鎮晉永興二年琅邪王睿監徐州軍事留
守下邳大甯中沒於石勒永和五年收復太元三年沒於苻堅
堅使揚州刺史戍焉九年謝元取下邳秦人遂棄彭城元進據
之義熙五年劉裕伐南燕自下邳步進宋元嘉二十七年魏主
燾南寇分遣拓跋那自青州趨下邳秦始二年下邳爲魏所取
梁天監五年張惠紹攻下邳不克還軍宿預魏孝昌初置東徐
州於此永熙二年降梁梁置武州改下邳曰歸政縣太清二年
又降於東魏復曰東徐州陳大建六年復得之十一年爲周所
取亦曰下邳郡兼置邳州隋郡廢州存大業初復置郡於宿豫

縣下邳縣屬焉。唐初置州。尋復爲下邳縣。宋置淮揚軍。金元皆爲州。治明初省。宋武北征記。下邳城凡三重。大城周十二里半。其南門曰白門。中城周四里。呂布所築。南臨白門。漢建安三年。廣陵太守陳登爲曹操先驅。至下邳攻城。呂布拒之。操引泗沂。二水灌城。擒布斬之。白門樓下。又有小城。累巒堅峻。周二里許。相傳石崇所築。州城西又有一小城。周三百四十步。相傳亦崇所築也。宋嘉定十六年。李全欲攻金邳州。州四面阻水。不能進。而還。蓋州嘗恃水爲險。云志云。今州東三里有土城故址。卽下邳舊城。今城金人所置。明初修築。周五里有奇。簡按志言今城據未遷艾山以

江北運程

卷二十五

四

前而言卽
今舊城也

元貢奎邳州詩荒城十載路重經。暫艤偏舟坐驛亭。春到梅花何處白。雪晴山色向人青。驚心家遠書難寄。迎面風寒酒易醒。莫憶牽衣兒女態。曉猿夜鶴笑林扃。貢師泰晚泊邳州詩一帶黃河百折灣。下邳城外更潺湲。煙迷兩岸疑無地。日落中原喜有山。法重鹽租嚴犯界。官多漁稅倍徵關。白頭父老相逢處。猶似圯橋授履還。陳秀民邳州詩青山一髮見邳州。落日雲迷故國愁。父老空傳黃石在。仙人已伴赤松遊。乾坤不信無清氣。河水胡爲尚濁流。野樹昏鴉樓未定。數聲哀角起高樓。國朝朱輔晚過邳州詩黃草枯楊隱暮關。武州南下水潏潏。寒生淮北驚催臘。路出徐東始見山。楚漢中原蒼莽外。幽并落石有無間。風塵我亦支離客。濁酒荒村且破顏。孔毓焯客下邳作三首見夢不離母夢迴仍客邊愁絲惟自理。淚點向空懸。故國杳何處。浮家不計年。一栲蓐冷風雨隔。啼鴉河水繞墟市。庭昏日又西。見星如大月初。夜有荒雞雲腳雨。無準原頭麥未齊。那堪西北望。邊塞尙征鼙。已是冬無雪。何曾春有雷。茫茫身外感。歷歷客中來。日月

幾歡笑文章賤草萊低頭從老去倦眼向天開洪亮吉
州城外詩十里涼雲拂柳絲野花香破酒醒時征衫幾日塵
沙蹶怕向溪頭看鷺鷥焦循邳州渡詩邳州渡關幾丈岸
斷橋摧水聲響有船渡人不渡車驅車欲行仍徐徐水深路
波行不得以錢買路路乃識月落雞鳴火數叢馬嘶人語煙
人掘橋掘者校梅植之過邳州渡實難聞說新來好官長禁
寒水凍水流莫問橋邊深夜語古人久與白松游黃曾曉
渡至邳州詩下邳風景尚清幽隱隱徐山樹色浮春雪暖消
黃石廟曉星斜射白門樓一州斗大存仙蹟九派支分接運
流泗上真人渺何處望雲無限古懷留魯一同題下邳壁
間二律趙北飛塵並馬來江南小雨又迎梅水聲易別荆卿
驛山勢仍回頂羽臺滄海有家難作客乾坤何事復須才長
淮草閣宜高臥莫漫閒愁對酒杯大河西下水渾渾歸取江
南自有村夢裏鶯花仍杜曲望中煙雨已彭門關河歷歷催
華髮不黍油油入故園便欲攜鋤去東海那能無地飯王孫
蔣超伯下邳阻雨贈徐彝舟同年詩昨朝草坵雲如墨
今夜圮橋雨似烟不有鼎臣精解字茅亭翦燭倍蕭然

江北運程

卷二十五

今州治艾山

一統志邳州城周五里十三步高二丈八尺門四其北枕山東
西南三面因深爲池本朝康熙二十九年移州治築乾隆五

年重修二十六年又修江南通志邳州明洪武中指揮王恆因

舊城址築周五里有奇西南二面阻沂泗正德中知州周尙化

增築西北東南二隅嘉靖間知州陳柏重修國朝康熙初水

濫衝圮恂按此舊城也圖志所二十九知州孫居湜揚州同

知馬驤於艾山改建周五里十三步高二丈八尺悉以磚門四

東曰先春南曰來薰西曰迎爽北曰拱極各有樓雉堞一千五

百一十有一。其北枕山。東西南三面因深爲池。護以重隄。張公奏議。邳州城於康熙七年間水淹。康熙二十八年。在舊城北八十里小艾山。遷建新城。康熙三十二年完竣。蒼葢邳州在淮安府北四百五十里。東南至宿遷縣石橋界五十里。西北至嶧縣陶溝界四十二里。西南有磬石山。近沂水。或謂泗濱浮磬卽此。州治舊在嶧陽。今遷於艾山。黃河在舊城南。自彭城歷呂梁由睢甯界上至五工頭。迤東始入邳境。流四十里。接阜河。抵宿遷縣境。清水河卽舊黃河南岸。屬睢甯。北岸屬邳州。自順治初塘池垣塞。始由今河。而清水河迄今猶存其跡。在舊城護城隄南。

江北運程

卷二十五

六

董家堂北泗河在嶧山左。去城八十里。今淤沒。龍化河分源泗河。在貓兒窩西南。去城五十里。今淤沒。西加河亦淤沒。靳輔治河書。邳州地勢甚窪。貓兒窩一帶地勢甚高。北來諸水直灌州城。內湖外河及邳宿兩州縣各隄俱難保。故築唐宋山格隄以攔之。貓兒窩斜對爲彭家河。凡豐穰沛徐及東省十餘州縣北岸之水。俱由此河入運。每慮伏秋暴漲。運河難容。故築貓兒窩萬家莊馬莊集減垣三座以洩之。使東入駱馬湖也。

國朝靳輔論邳州水患。邳州古下邳也。地形最卑。南濱黃河。時受水患。西北金鄉魚臺十數邑之水。匯入微山湖。湖不能容。則又南溢而入邳。蓋自明迄今。稱澤國者二百年矣。然地形雖卑。但使外無溢入之水。內有流通之河。則澤不能鍾而

入淤之土其桑麻稔稻之利必有反勝於高鄉者今黃河北岸自鎮口牯東至於阜河口又自北而西抵於唐宋山皆已築隄然自大谷山迨鎮口各牯垣減洩之水及微山湖溢出之流並徐州豐沛之行潦南北交注水患如故計貓兒窩迤西彭家河至荆山口約長一百三十里頗通舟楫但稍淺狹冬春常涸又近荆山口有伏石一帶約長二百三十丈尤淺狹今可開鑿寬數丈深四五尺令冬春亦可通流其外河道一律加浚兩岸無山之處即以所挑之土隄之再加修貓兒窩以上運河西隄高之厚則歷年久淹之地必盡涸之爲樹藝之區矣然運河受濟兗之委西受彭河之流而沂州郟城諸山泉半赴駱馬湖又半散漫趨徐塘口入運夫以一綫運河而納三面之水伏秋異漲勢不至於普溢而潰決不止也其徐塘口必須開河一道以納沂郟之餘波使循運河而東南至駱馬湖入中河於以保運而洩渰其功亦不少也

邳宿運道當八牯下游時視東境爲溢涸

漕運則例纂邳宿運河明季漕艘行至黃河由宿遷縣西北十

江北運程

卷二十五

七

有餘里董家溝進口名曰董家口康熙六年董家口淤斷改由駱馬湖後駱馬湖又復淤墊十八年另開阜河建牯二座伏秋暴漲又有倒灌之虞乃更於阜河迤東挑支河一道歷龍岡岔路口至張家莊出口是爲張家運口二十六年又於攔馬河西加挑運河二千餘丈又遙縷隄內挑中河一道三十二年於駱馬湖之東中河之南建石牯一座六十一年在徐塘口池上改挑越河一道接彭家河行運以避徐塘口以下二十餘里噴沙淤墊並挑深彭家河以濟運雍正二年勝陽恂按舊漕運全書作羊山大王廟徐塘口池上三處建立清定成石牯恂按舊漕運全書作琪誤三座於

西甯橋以西建築三合土滾水埧一座接築攔水隄中留口

按舊

本作石從舊漕運全書改門三十丈仍於內面添築越隄一道四年修理臨

湖石隄以高出水面一丈為度背後土隄一律加高接築湖心

石隄與石工高厚如一其洪澤湖周家橋以南滾水埧三座門

檻各落一尺五寸以便湖

偷按舊漕運全書作河誤

水暢出五年建王家溝

五孔石牖一座駱馬湖築攔河牖一座九年築宿遷中河汎內

隄並運河東西各隄十年修駱馬湖南竹絡埧以利黃水入運

合流濟漕又於運河兩岸建造石牖洩黃墩湖積水以濟漕運

今竹絡埧堵閉黃水無涓滴入運者

偷按舊漕運全書邳宿運河考與此文同

江北運程

卷二十五

溢洩兩俱為害邳宿運河以微湖為來源大抵病洩時多於籌

洩時不忘籌蓄斯為得之

國朝薩載疏臣與河臣李奉翰前將豫省漫水下注濱臨微

山湖之豐沛等處被淹及邳宿運河水勢情形具奏伏查黃

河漫水下注誠如

田廬舍方為盡善此次豫省黃河北岸漫溢水由桃北兩股

分注其下達江境者大都匯注於微山湖由湖口牖伊家河

蔣家山草埧出荆山橋河三處分洩入運此皆微山湖洩水

出路而洩下之水又匯注於邳宿運河以為歸總去路其邳

宿運河之水一出楊家莊口門仍入黃河故道歸海一出鹽

聖訓

必須去路通暢水急沙行庶免停淤而過水處所又不多礙民

水關鑰臣與李奉翰前經酌籌北岸有劉老澗九空石牖一

座係分洩運河異漲之路今年閏五月河水盛漲開放時過

水四尺八九寸嗣運河消水五尺餘寸該牖即經斷流現在

石底高出運河水面五寸未曾過水盧口埧馬莊牖萬莊牖

命臣通

竹簍牖乾車頭王家溝柳園頭等牖垣七處內馬莊萬莊二
牖早經淤閉其餘或分洩沂水或分洩駱馬湖水均歸運河
原以藉湖濟運今豫省北岸漫水下注無藉湖水濟運惟慮
運河水漲不能容納酌將北岸逼運湖河各牖垣分堵築
不使沂河與駱馬湖水涓滴入運均令由六塘河歸海俾騰
空運河以備漫水暢行俟駱馬湖水稍落低於運河水面再
將各牖垣啟放使河水分洩入湖庶免壅阻又運河南岸宿
遷池上有竹絡垣一處南岸逼黃北岸逼湖形如十字名為
十字河原備湖水出入節宣近因黃河灘高於運河水面久
未啟放今黃河已經斷流無虞分掣萬一運河水面高於黃
河亦可開放分減入黃委員測量豫備曾經具奏此臣與李
奉翰籌備江南運河分洩路徑之現在情形也今韓鑠國秦
所奏籌辦南路分洩水道

盤熟籌速奏臣查邳宿運河內盧口垣及王柳二牖已飭令
堵築其劉老澗牖旁酌開水口臣與淮徐道何裕城河庫道
劉錫嘏並參游等詳加商確該牖原係分洩運河盛漲下注
六塘河經海州安東之碩頂湖入運鹽河達海去路雖暢但
該運河高於牖內地面勢若建瓴從前建以石牖牖外設草

江北運程

卷二十五

土垣攔禦每遇盛漲開垣聽其由牖門分洩若於牖垣旁另
開水口分洩下無石底恐衝刷寬深全河水勢盡由此分洩
下游六塘河既受駱馬湖水再加全河下注恐難容納卽宿
遷以下運河亦必淺阻有礙運道轉不若由長河而出楊莊
口門並鹽河牖暢達歸海較為直捷况自豫省漫溢接壤東
省之邳州境僅長水一尺餘亦宿遷境僅長水數寸運河水
勢不大察其流行迅駛皆因下游楊家莊口門以及黃河現
無來源洪水亦日落運河之水得以暢行東注來水易消
是其明驗惟是運河上游長水無多究因湖口牖迫下在山
東境內已有八層約攔江南境內河清河定河成三牖雖有
越河分流亦覺層層兜住所以由湖口牖入運下注之水不
見盛長所擬劉老澗牖旁酌開水口之處似無庸議惟所稱
垣外河底積淤較高運口五寸查垣外距運河邊不過二十
餘丈現飭廳營督夫趕緊疏深以待水長分洩至沛縣濱臨
微山湖今夏雨水過多本有積潦七月望後又因湖水上灘
逼近護城隄根前經委原任安慶臬司袁鑒督率徐州府穆
克登沛縣知縣陳麟相機防護旋據該縣請於鄰境豐縣辦
運魏工稽料內酌撥十萬束以為修防護城隄工之用臣卽

飛箭如數撥運現將護城隄加高培厚臣查該縣濱臨微湖上游來水除匯歸微湖外別無宣洩之路而微山湖除湖口蘆伊家河蘭家山分洩外亦別無去路曾與河臣商酌擬將潘家屯埧工開放導引入黃祇緣該處本係豫備微湖水小之年不敷濟運分黃助湖定有限制俟霜降徐城黃河誌椿消存六尺始行開放以防學溜之虞是地勢本屬外高內低今測量黃河外灘高於微湖水面八尺五寸此時湖雖盛漲不能漫至隄根其爲地勢高仰可知是此一處亦未能分洩惟有將蘭家山草埧展寬創深以期暢注於八月初四日附奏茲臣堵築魏家灣漫工定於十一日合龍俟堵閉奏報後卽親赴沛縣查勘督辦並將徐屬一帶黃河露灘順道察看如有阻礙卽確勘挑切以備黃水歸復故道暢行東注隨時入奏倘按此奏在乾隆四十六年八月八日時任江督又疏伏查江南邳宿運河上承微山湖分洩之水自豫省北岸漫溢水由微山湖南下誠恐江南運河或致盛漲或有淤墊昨查勘來水雖夫去路甚暢流行迅速且係清水並不渾濁是以運河內未致漲淤近日河水加長劉老澗九孔石牐前高出水面五寸者今已過水六寸河水日長一日則過牐

江北運程 卷二十五

十

之水亦必日深一日業將勘過情形具奏至高晉所開李家莊新河亦係宣洩運河異漲之路俟運中河水勢加長如楊家莊口門及鹽河牐出口不及卽一體開放分洩容察看情形隨時酌辦其微山湖入運之水下流不見盛漲者蓋因楊莊口門外黃河現無來源運河之水得以經由黃河故道東注歸海出口旣暢則運中河內隨長隨消亦不致停滯其匯注微湖之水未見驟湧下達者又因山東河口牐以下至江南因蘭家山及伊家河分洩微湖之水俱由此匯注入運是以三牐水勢較下流稍大幸各有越河分洩不致壅滯此邳宿運河緊接山東八牐之水勢情形也昨接東撫國泰札欲來會勘茲知國泰途次奉到

諭旨另有交辦事宜回省臣勘過情形卽赴豐沛一帶查勘茲將潘

家屯可否開放分洩湖水入黃之處詳細勘明具奏至奉

旨垂詢該處湖身現在如何淤墊黃水大溜往南一股何以不見盛

漲著與國泰詳悉勘明據實覆奏臣查豫省漫下之水前經差探南注一股由百花河經北田寺至新開河沿南陽昭陽湖邊入微山湖其中經由曹單金鄉魚臺及江南豐沛計程五百

餘里沿途散漫漸次成淤迨入微澗水色已清下注江南運河是東省運河似不致於淤壅其魏家莊漫工已經合龍現在加鑿夯碛必期十分鞏固以備水復故道永資抵禦恂按日湖河水勢遇風則增長寸許無風則漸次平定蓋節屆霜降水力已弱即長亦有限但被淹之區急望消落已將蘇家山水綫河可以開放分洩此外有運河內十字河趕緊挑竣旬日內即可開放分洩此處有運河內十字河趕緊挑竣今測量該處已與黃河河底相平其外灘淤墊引渠已飭道發銀償挑豫備將來亦可開旋薩載李奉翰疏臣李奉翰起下游邳宿運河並駱馬湖六塘河周歷查勘邳州兩岸無路分洩下至宿遷境南岸有十字河臨黃堤分洩入黃北岸有劉老澗九空石廂洩入六塘河二處外灘引渠屢經挑挖展寬現在分注並無阻滯惟古城以下至楊莊一百二十餘里中間向有雙金牘草堤楊莊頭二三堤層層關束並無旁洩之路上年盛漲雖將各堤啟除河底刷深一丈三四尺至一丈八九尺不等水流迅疾勢甚浩濶兩岸窪隄坍塌殘缺甚多今歲底水較大伏秋盛漲堪虞應道

江北運程

卷二十五

十一

聖訓廣

籌去路據淮揚道王問羹稟稱桃源汎南岸顧家莊臨運隄距黃河隄一百一十餘丈隄外河灘寬八十五丈運河水面現高黃河水面三尺五寸兩隄中間又有格隄二道可資收束若開挑溝渠洩水入黃實可減盛漲而利漕運臣等細加審度所擬溝渠形勢倒鉤藉以分洩運河漲水勢甚順利將來黃水復歸故道預爲堵閉堅實亦無他虞現已確估派員興挑勒限完竣以備盛漲相機開放至駱馬湖尾閘引河五道上年至今節次開展已屬暢順即六塘河亦俱一律深通只凌溝一處係六塘河水洩入砂礮河要道前有碎石填底先經起除又復疏濬口門已展至三十餘丈去路無阻惟近日水勢續消隄外露出淤灘十五丈應行挑切並將口門再展寬一十二丈則六塘河旁洩之路更暢海州之蓄蔽河及武障頂沖六里東門等處河邊俱係分洩入海路徑今歲三月將草填除淨河身疏濬挑切均屬深通此時無可籌辦其邳宿池下黃河自上年開挑桃源臨河集清河沈家窩河身通暢下注無阻今黃水未歸故道所有沈家窩池東至陶莊河尾形勢全露乘此勘辦較有實濟現在會同履勘確估再奏簡按此奏在乾隆四十七年五月二十二日又疏

伏查江南邵宿運中河自乾隆八年大挑後至二十五年始行大挑是年又止於邵宿運河內間段挑淺中河未曾施工茲悉二十餘年難免淤墊且四十六七等年微山路馬等湖異漲運道隄工被衝入河停淤益厚近年每於冬春擇要疏撈未能一律深暢今蒙

及飭令大挑並責成臣薩載專辦臣薩載自豫回南即督率淮徐淮揚兩道河營參將上下查勘測量水勢淺處僅一尺八九寸及二尺餘寸不等先經臣李奉翰飭令道將逐段插標派員撈浚臣薩載復嚴督各廳營及委員等多雇夫船上緊撈壘並於至淺處兩岸趕築草壘擊束水勢又將下游楊家莊口門頭二三草壘及雙金門壘口收狹中河旁之鹽河壩俱亦即堵閉使無旁洩上下兜束以資浮送目下回空漕船隨到隨行幸無阻滯所有今春運船經過並現在回空撈淺築其共夫工料物銀一萬四千餘兩應覈實入大挑案内彙銷其大挑工段必須於回空過歲然後築壘與下應挑段落又須於現在回空過時察其水勢深淺分別估計江南與東省接壤處尤應彼此關會若江南河底挑深則東省下注之水直洩無餘若江南河底較東省高仰則來水流行不暢

江北運程

卷二十五

下游仍恐淺滯並經札會毓奇明興將應挑尺寸一體確估茲准徐道所轄邵宿運河自黃林莊起至宿桃交界止共河長四萬二千七百九十三丈內除水勢現深無庸估挑實計桃清二汛間段沙淺應挑工長一萬一千四百三十丈估挑口寬八丈底寬六丈深自三尺至五尺不等共約估土方銀六萬三千五百餘兩應築大小攔水壘柴埧正十五道約估銀六千五百餘兩查此時通河有水回空正在南下所估恐尙有增減俟回空過歲欵項水涸後再逐段細估具題至此次雖已大挑而水無來源全藉微湖濟運江南自成橋以下至楊莊運口三百餘里並無關東河流易洩倘按此奏在乾隆四十九年十一月三日原摺河流通流洩下有議八堡王家莊兩處各建石壩事詳卷二十六利運脩條季奉翰疏邵宿桃清一帶運中河內大挑工程據徐揚兩道稟報上游黃林莊下游楊家莊攔水柴土壘工先後趕築而長水存水深淺不同未能一律控洩又逐段添築小壘上緊車戽河底漸次顯露臣隨率原估道將自東省臺莊池下黃林莊起至楊莊運口止接段量估通計河長六萬二千三百八十餘丈內除水勢深通毋庸估挑者長二萬三千三百三十餘丈

其餘非淤沙停阻卽大小砂礮綿互均應疏鑿挑浚查應挑
口底寬深丈尺原估時本就河身與原估之高下定挑壅之深
淺今存水厚乾細加查量工段丈尺與原估相同間有河底
高低不平處所稍有增減而衷多益寡各段土方銀數仍屬
相符臣指道將等註明號數並於原估冊更互以便按段
興挑再漕臣咨會東省八插及韓莊上下河道定於月之二
十日插欵興挑限四十日完工江南地處下游於存水厚乾
覆勘後亦卽償辦統限正月月底先行挑竣驗收不誤東省開
填鋪水及南糧渡黃北上日期現派幹員監辦並督同徐揚
兩道查催務期照估如式依限全完不使稍有草率遲逾倘
接此奏在乾隆四十九年十二月杪 薩載李奉翰疏臣等
接奉四月十七日

上諭據毓奇奏邵宿一帶雖經大挑各處多有淺阻糧船行走必須
節節起剝以致遲滯昨據薩載阿那布均奏及淮徐一帶雨澤稀
少上游湖河存水較小來源不旺重運現須量爲起剝各等語運
中河及八插等處既經此次大加挑浚一律深通水勢自必充足
漕艘藉資浮送何以又稱各處多有淺阻必須節節起剝若偶因
雨澤稀少來源不旺則湖河水勢均須坐待大雨時行方能浮送

江北運程

卷二十五

重運又何必糜費帑金施工疏浚耶况挑浚河道若係水底施工
尙可稱難於用九今運中河及八插等處俱有插填皆係挑挖乾
渠及甫經挑浚卽形淺阻自係該督等從前並未親身實力督辦
一任工員草率偷減所致著傳諭薩載李奉翰毓奇明興務須切
實嚴查逐段丈量將何處淺阻及如何浮冒偷減情弊一一指出
據實參奏此次姑予寬限令伊等徹底查辦若該督等稍存回護
不能認真究辦別經查出恐不能當此重咎試思雨水短則必須
起剝又何必挑浚甚不成事體欽此臣等跪讀之下惶悚無地當
卽馳詣運中河逐段勘量徹底嚴查伏查上年臣等督率道
將等詳加確估自黃林莊至楊莊運口止長三百餘里共河
長六萬二千二百八十餘丈水勢深者二尺餘亦淺者一尺
八九寸不等內淮徐道所轄邵存運三汛河長四萬二千七
百九十三丈間段應挑河長二萬七千五百二十餘丈估挑
口寬八丈底寬六丈深二尺四寸至三四五尺不等共估
土方銀十二萬五千五百餘兩又應築大小攔水柴土填十
七道估銀七千一百四兩淮揚道所轄桃溝二汛河長一萬
沁千四百九十九丈間段應挑河長一萬一千四百三十丈估
挑口寬八丈底寬六丈深自二尺至五尺不等共估沙淤土

方銀六萬二千五百餘兩應築大小攔水柴土垣十五道估銀六千五百餘兩派廳縣營汛等員分段承挑按工員大小兩不等每員承挑工長自數百丈或三千兩少自數開工後臣李奉翰卽往來工次督同兩道查覈臣薩載於正月自查回南查勘山東八廂挑工卽入江南境自黃林莊起逐工查勘至清江後復自楊莊湖查兩工因邵宿境內爲積沙淤淺之處臣等駐貓兒窩一帶督率有辦不如式或挑挖尺寸不足者俱隨時嚴飭妥辦並督管工人等分別責懲不准偷減草率竣工後復帶同道將自黃林莊至楊莊止逐段丈量並令隨帶標弁持營臣等親看測量各員照估挑挖並無短少此臣等於挑挖時親身督辦驗收之實在情形乃自開垣鋪水以來漕船行走尙無淤礙然須起剝實屬不成事體臣等愧懼無以自解茲到工覆加丈量桃清中河境內舊有鹽河廂雙金廂豆辨集等處浮沙古淺今春挑浚已通該河地處下游水勢到處更復刷深現深四五尺不等經漕臣奏明糧艘經過中河並未起剝所用錢糧應照估請銷其邵宿運河內原報稍淺處如黃林莊月河頭一段係署銅山縣侯封晉承

江北運程

卷二十五

十四

辦下渡口係運河通判許兆陞承辦何家莊一段係宿虹同知陳烈邵睢同知邱麟閣承辦三聖廟一段係宿遷縣知縣馬克符承辦細查撈淺各處或五六丈或三四十丈非河勢兜灣卽土性游沙因上游插板時啟時閉水勢旋長旋消以致流沙壅滯撈起沙土臣等親驗實係新沙與原挑黑色淤土迥異且通工丈尺均足並非偷減凡淺處俱經各工員等築垣擊蓄雇夫撈挖現在一律水深幫船陸續前進並無阻滯但漕船前此旣須起剝則承辦此數段工員咎有難辭應據寶參奏請交部嚴加議處臣薩載李奉翰暨該管淮徐道劉錫猷不能督率工員妥辦亦難辭咎並請交部嚴議所有原估挑河築垣共銀十三萬二千六百餘兩應不准開銷著落臣等分賠以示懲儆尙按此奏在乾隆五十年五月八日鐵保載均元徐端疏邵宿運河上年七月秋汛因銅沛廳楊家樓外灘浸水將蘇家山石垣衝斷黃水下注倒漾入運停淤甚厚臣載均元逐段查勘淤深一丈餘尺不等河心高仰容水無地當經擇要抽挑並節節築垣束水逼刷河淤緣時緊迫僅能浮送回空俟回空船過後築垣掣乾底水大爲挑挖臣等於十一月回空過竣卽逐段測量存誌迨蘇家山

江北運程

卷二十五

五

口門堵閉斷流復委道員按段勘估務以挑淨新淤空至舊河底加深一尺爲準據報自黃林莊以下馬蹄崖起至河成廂止共挑河長七千三百九十丈計土三十四萬五千餘方並黃林莊及各水口築埧攔截按現在工夫飯食計需銀十三萬五千七百餘兩臣等照前次量驗停淤厚薄覆加確覈尙無浮多現派廳營員弁分段集夫償辦其河成廂下貓兒窩古淺處俟底水掣乾擇要抽挑以節糜費又河成廂底損壞乘此水涸修理以利漕運指日新漕北上挑工必須趕東省未啟埧前償挑如式完竣以便鋪水下注接濟浮送尙按此奏在嘉慶十二年正月五日

鐵保戴均元徐端疏查江皖疏邳宿運河向多古淺如貓兒窩殷家莊大柳樹宮家渡及窯灣之二灣三灣等處每年重運經臨皆畧須起剝其淺處不過一二十丈流沙所聚旋旋旋去冬勘估時因各處河底尙深未經估挑迨上游啟埧放水沙水下注致有停淤測量水深三尺一二寸至三尺五六寸不等臣戴均元已嚴督道廳卽築束水草埧設法擎蓄並雇夫船撈濬臣鐵保吉綸飭調剝船以備起剝並派熟諳備弁催挽前進所有頭進入水較重之鎮江幫現已挽過淺處卽可次第入東倘按此奏在

嘉慶十二年三月十三日

鐵保戴均元徐端疏查江皖邳宿運河別無來源專藉微湖之水宣濟前聞敗蓄未充較定誌尙少三尺餘亦臣等同深焦慮本年江境大谷山外灘楊家樓所刷溝槽黃水分注水綫河倒漾而上至岡頭毛村劉武等處坡湖所存積水較爲寬廣正擬俟楊家樓溝槽堵合卽導引此水由水綫河下注邳宿運河爲接濟空重漕船之用嗣准河東河臣札商若由藺家山埧尾挑溝引入微湖豬蓄則東省八廂以內亦藉資灌注誠爲一舉兩得自不便稍分吟城臣等卽帶同道廳勘明奏辦惟倒漾之水與水綫河氣尙通連須俟楊家樓溝槽堵合啟放方不致吸動黃流當飭銅沛廳營照東河臣吳璠所勘在埧尾老灘趕挑引渠並盤做裏頭俟積水洩盡仍行堵閉嚴催徐州道張鼎將楊家樓速行償堵茲報楊家樓溝槽於十月初二日堵閉並鑲做邊埧築後餵卽將藺家山埧尾引渠開放積水暢注入湖可期增益其邳宿運河此後如形淺涇商擬將蘇家山石廂啟放俾資助益俟臨時察看再辦倘按此奏在嘉慶十二年十月五日

又疏臣等查邳宿運河上承東省八廂專藉微湖灌注向遇水弱則貓兒窩一帶古淺輒形淺涇乾隆年間

江北運程

卷二十五

六

皆敢放徐州蘇家山石牖引黃入運以資接濟歷係如此辦理前將大谷山外灘溝槽堵閉斷流黃水涓滴不致入運是以河成牖池下水勢陡落回空江淮九等幫致有淺阻臣等趕蘇家山石牖啟放俾資挹注漸澄清經二百餘里入運節制水由房亭等河紆回而下逐漸澄清僅二百餘里入運不致停淤而河成牖池下得水頂托微湖下注之水洩落較緩並合於貓兒窩至河成牖上下添築東水埧以資擊蓄現在各古淺處已有水二尺七八寸至三尺餘寸不等截至二十五日也入江境船五十幫已過貓兒窩四十幫後幫跟進連日河口又渡六幫連前共渡過船二十八幫據運河廳營稟沙家口及蘇家山牖兩處之水匯注運河並築坦擊托淺處河槽皆已刷深足資浮送約下月初十日以前可以全數償過邪境不致遲滯俟回空全過邪境即將蘇家山牖堵閉至回空軍船定例准帶土宜亦應量爲起剝是以臣等撥船前往伺備以利進行爾按此奏在嘉慶十二年十月杪吳墩徐端疏江境運河在黃河以北者自山東交界黃林莊起經邵宿桃清四州縣境至中河廳之楊家莊運口也兩岸計長九百餘里邵宿一帶地勢較高應培隄工尙少至桃源以下中河境內則地勢低窪隄工本爲著重近年因楊莊運口外黃河底高以致出口之水不能暢洩一經上游山水陡發緣隄卽普漫爲患在在搶救不遑其在黃河以南者自裏河運口起經清河山陽高寶江甘六州縣境至瓜洲江口也兩岸計長七百餘里清河山陽承洪湖出口之水溜勢較猛高寶西岸逼近諸湖僅賴一穰單隄爲界東岸則保障城垣民年尤爲著重兩岸隄工本不高厚年久未修日益卑薄兼之近年黃流倒灌河底淤高幾於無隄可守必須大加修築惟邵宿淮揚運河道里綿長勢不能同時全辦祇可先擇最要之處趕緊培築爾按此奏在嘉慶十四年十月九日吳任江南總河徐任副總河冠佩湘疏查河漕兩項在河臣漕臣各有專司而治河實以利漕原屬一事近來江境河道處處淺滯各省軍糧船船加重管河者以入水過多爲詞司漕者以水勢不充爲憾彼此因循觀望並不竭誠籌辦本年春臣接視東漕三次赴臺莊催船離江省較近沿途訪聞並弁丁等傳見詢問僉稱二月十九日自揚州二起至三月十九日鎮江前止計三十一日僅入東境五幫彼時因窰灣二灣三灣馬莊集貓兒窩新河頭徐塘口灘上淤口王母山黃道人

橋節節淺阻水深祇一尺八九寸至二尺一二寸不等又四月二十九日自安慶前起至五月十九日處州前止計二十一日僅入東境十二幫亦因匯澤船貓兒窩新河口徐塘口灘上加口王母山石拉子黃道人橋淺阻水深祇二尺三四寸至二尺八九寸不等以上皆邪宿地亦該丁起剝不惟將米物全卸卽船上窗板亦皆起空窳地加之至數百方能拉過旗丁費用甚多雖違例添帶私貨改換剝船仍形疲累總由渡黃後邪宿逐處淺滯兼之貨多船重入水更深河臣漕臣均未豫籌此本年實在情形也若不將該處運河速挑何以爲來年速運恤丁之計試思春夏間兩次船抵邪宿若非耽延二十餘日跟幫而來五月半卽可全數渡黃不惟不受黃水漲發之累並入東以後入廂亦不致問有淺阻回空亦斷不遲至今日應請

敕下江

南新任督撫就近親赴邪宿一帶詳勘如必應疏挑卽據實奏明一面移咨河臣務於今冬水涸時迅派幹員趕挑俾上下一律深通不許偷減工費儻將來重運經過或再淺阻難行惟該河臣是問倘按此奏在嘉慶十四年十一月十九日奉

江北運程

卷二十五

上諭給事中趙佩湘奏邪宿一帶運河淺阻應行挑挖深通一摺邪宿運河向多古淺而近年淺阻尤甚重運回空動形阻滯據該給事中奏本年二三月間水祇深二尺上下回空各船據吳璣等奏該處又有淺滯該河督等雖隨時籌辦總不能將邪宿淺阻處一律挑通此豈經人之道著卽認真履勘將應行疏挖處實力償挑轉瞬重運經臨不致貽誤爲要旋據吳璣徵端於二十八日奏稱臣等欽奉

諭旨

跪讀之下莫名惶悚查邪宿運河向多古淺前嘉慶十一年因徐州大谷山石埧過水甚大王母山下至貓兒窩淤墊較厚時因道里綿長勢不能將淤沙全挑糜費過多經臣徐端與前河臣戴均元擇要挑通是年東省微湖收水尙多是以灌輸充裕船行無滯至上年冬臣徐端督飭徐州道張鼎逐段勘查邪汛境內底水高大河槽停淤無多是以未挑以歸撓節惟本年東境微湖水弱而江境別無來源致三四月間各古淺倍多阻滯臣等節節築堤擊蓄重運尙足浮送計尾幫於六月二十六日出境較前最遲之年尙早月餘迨九月內查微湖存水較上年更小計明春運河必更淺阻當飭豫勘估挑因回空正在挽行未能勘估俟回空過竣卽督道將等

江北運程

卷二十五

丈

尅日估詐實力價挑以備重運經臨至回空各幫內先入江
 境船三十餘幫上月下旬卽已渡黃以後幫船未能跟接有
 陸續行到揚莊者隨卽價渡截至月中前後共渡黃四十八
 幫在後各幫行抵江境適值風雪嚴寒遂致冰凌凝結行走
 維艱至二十及二十一二十三等日天氣愈寒不特黃河以北
 節節東阻卽黃河南之淮揚實應運河水凌亦大間段疑凍
 但已渡黃各船宜速價歸次巡漕臣程國仁在揚州京口籌
 催臣吳敬督同原任藩司楊護淮揚道葉觀湖淮安府蓋圖
 自中河口至高寶等處分督廳縣將弁等多雇夫船晝夜敲
 鑿疏通計已渡黃四十八幫內尚有十一幫在淮安以下揚
 州以上沿途打冰前進務卽起催南行無誤歸矣至邳宿一
 帶漕臣馬慧裕現至江境會同臣徐端暨原任漕臣胡克家
 督率道將府縣及河漕員弁等竭力疏濬無如邳境底水本
 小又兼上游各牘下板攔蓄一經接塘閉板則下游水幾不
 流水凌易聚隨打隨凍人力難施至二十四日天氣稍和冰
 漸漸動而前通後塞勢仍不能暢行漕臣馬慧裕押令幫船
 將所帶土宜全行就地起卸俾船輕易挽但得氣候稍融人
 力可施臣等卽設法敲冰籌催歸次以期船行雖遲受兌不

諭旨

誤一俟冰通船利隨時馳奏 吳敬徐端疏查邳宿運河因
 上游山水漲發挾沙下注每年水過沙留不免淤澀嘉慶十
 一年秋黃水異漲銅沛蘇家山石浪填衝塌黃水入運較大
 王母山至河成牘一帶積淤更厚經前河臣戴均元抽挑先
 濟回空十二年正月臣徐端會同戴均元奏明大挑亦祇將
 河槽挑深其兩灘淤沙寬闊勢難全行消除是年秋汛大谷
 山石填又復過水入運停淤是冬又經擇要挑挖迨十三年
 冬查勘河槽比十二年較深尺許未經估挑查是年重運尾
 幫係五月初三十日出境上年係六月二十六日出境較十二
 年八月初七日出境之期爲早每年重運耽延在河口而不
 在邳宿惟本年微湖存水無多來源既弱自應挑挖加深以
 利重運上年十一月欽奉
 臣等履勘價挑時值回空漕船東陞冰凌疑結無從勘估當
 經奏明俟回空過竣估辦嗣於本年正月初十日回空尾幫
 全過宿遷卽飭道將確查河底深淺以定應挑尺寸旋據稟
 稱量驗河形底水並查歷年鋪水尺寸計長河水深五尺卽
 敷漕船行走東省鋪水向有三尺八寸九寸源源下注接河底
 現存水深一尺三寸以上鋪水後卽敷五尺之數可毋庸

江北運程

卷二十五

九

估挑其水深不及一尺二三寸及河底乾涸高於水面者分別估挑以水深五尺足敷運行為度如上下水深中間淤淺卽酌量估挑庶節錢糧而杜混冒臣等查道將等所估雖實但往年鋪水後東省隨時亮板源復令將原估應挑及未經估挑之處俱加挑一尺以免臨時周章據該道將稟報連原估及加深一尺共需銀五萬八千餘兩攔水各垣需銀五千九百餘兩又改挑河成牖越河並疏通臺莊牖下可風橋支河共估土方銀一萬三千餘兩並據稟邵宿河面寬闊非東省牖座鉗束可比各古淺虛仍應將歷年原做束水等垣加鑿添築始可擎蓄刷沙共估銀一萬五千餘兩臣等卽發銀派員分段集夫賃辦於二月初六七八等日開工查向來運河挑工章程總以挑去淤沙見河底老土為度若過於挑深而來源水止此數則水隨地落河底雖低河面未長且湖潸僅存數尺之水恐下游過深掣水過急一湧無餘上游轉致淺涸至築垣擊束從前河底較深時亦所不廢緣東省自臨清至臺莊共牖四十九座節節啟閉江南邵宿境內綿長二百餘里祇有五牖啟閉河身既寬牖座又少與東省牖河迥異必須相機築垣方能收束臣等固不敢吝惜誤公亦不敢多糜無益之費惟有挑河築垣相資為用庶水不過耗卽東省入牖亦得擎蓄之益本年幫辦開行稍緩誠如

聖諭黃停泊不過數幫不致有遞積之虞所有邵宿估工據報於二月二十二等日次第完工其加深一尺段落已加夫價辦限三月初五日全竣臣等驗明再行知會東河啟垣鋪水惟有恪遵

聖訓

聖訓趁此時挑完稍假時日務期一律深通仍與河東河臣陳鳳翔山東巡漕臣吳邦慶上下通盤籌劃水勢以利運行總以濟運為重斷不敢劃分疆界稍存推諉之見倘按此奏在嘉慶十五年二月二十六日 旨家斌疏一邵宿運河宜一律深通也微湖接濟東省韓莊八牖河身僅寬五六七尺惟下游江省邵州一帶河身寬至三十丈聞該省黃河以南工程緊要不得不將邵宿之工責成廳員往往草率挖出泥沙就近堆放一遇衝激仍入河心無異未挑大約微湖啟放之水在東省可深一尺者行至江境沙岸闊深不過一二寸所以偶經宣洩卽行阻滯本年春多放湖水一尺八寸接濟糧艘今冬較上年又小二尺四寸雖據徐州道王逢源信知瓊擬

救

江省

築垣東水運泥出岸仍恐分巡黃河難以兼顧致有疎畧

河督一體認真務使垣直水深河心通暢庶開放微湖足敷

鋪注倘按此奏在嘉慶十七年十二月十三日百齡黎世

序疏邪宿運河河身寬闊地勢建瓴伏秋汛內上游蒙沂山

水挾沙下注易致淤淺每年回刷濬停沙壅蓄水勢歷經道

次年重運並築挑水水等垣刷濬停沙壅蓄水勢歷經道

辦本年回空漕船過境較早臣等督飭徐州道王逢源於東

境築垣水勢控消之後詳加勘估查向年估挑邪宿運河以

黃林莊誌椿及臺莊牆鑿紅油記為準挑深五尺挑完

東境啟放湖水鋪誌椿五尺為度此後如存水不足五尺再

為啟放添足以資浮送現查微湖存水較少雖東境儘力收

蓄恐未必能符定制江境邪宿運河應格外挑深以免淺澀

今估於向年挑深五尺外再加深一尺於河身易淺處加深

二尺統計邪運二汛長河並東境可風橋支河挑工共估銀

四萬二千六百餘兩挑工上下攔垣共估銀四千二百餘兩

現飭庫發銀派委廳營分段價辦寬限期時日嚴定章程責令

送土上岸堆存遠處不容塌卸入河責成徐州道督辦工完

後臣等逐細驗收再照會東境鋪水儘有辦不如式即據實

江北運程

卷二十五

三

參奏至邪宿地勢建瓴水勢易洩雖有各廂下板擡蓄而江

境廂座稀少相離又遠各廂下板後廂上水甫擡高廂下水

即淺澀不能如東境之廂座稠密可以拗板倒塘臣等案查

舊例逐細講求惟有築做束垣節節擊蓄但水經擊蓄河身

寬闊處又易停沙並須築做挑垣處處逼刷所有挑束各垣

每年均於挑工完後估辦現在先擇必應築垣處有舊垣者

即就加高無舊垣者另行估築共需銀一萬一千五百餘兩

即發銀飭辦限鋪水前一律完工如鋪水後察看尚有應行

添築者隨時再辦總期重運臨境河道深通遶行北上倘按

此奏在嘉慶十七年十二月二十六日時百任江督黎任南

河黎世序疏奉

上諭據甘家斌奏本年微山湖水現存八尺三分接濟東省八廂河

身寬五六丈至江省邳州一帶河身寬至三十丈易形短細邳

宿挑工責成應員辦理往草率請飭下江省河督認真辦理等

語著傳諭黎世序即嚴飭該管道廳營汛等認真挑空所挑河泥

運送出岸毋得仍前草率欽此查江境邪宿運河誠如甘家斌所

奏比東境八廂寬至數倍是以微湖挹注之水在東境易盈

在江境易細漕運經行每多淺阻向來挑空臣未經目睹詢

據道將廳營等僉稱邳宿運河情形與東境迥異所以較寬東境數倍者因邳境有上游沂蒙山水每屆伏秋汛發由各支河匯注河窄難容以致愈刷愈寬冬春之際及夏秋山水未發僅賴微湖挹注河身既闊勢復建飯以東境窄河之水瀉入江境寬河實不敷用兼之船座無多是以必須節節築埧鉗束以資擊蓄且上游之水挾沙下注河身既闊停淤亦寬每年估挑勢不能將三十丈寬廣河面全行挑挖僅於河心挑寬數丈其兩面河底未挑之淺一經水刷不免塌卸入於新挑河槽之內故必得隨時築做挑埧以資逼刷向來漕運經臨遇水勢短絀東省藉口江境挑河草率江境託詞東省放水不足時有爭執坐是兩省委員會同於黃林莊設立誌椿復恐誌椿損動於東境臺莊厝江境河清厝石牆鑿鑿紅油記以鋪水與記相平為準江境挑河即以誌椿紅油記為準挑深五尺如水不及記致漕運淺阻責在東境如水已平記而漕船仍有淺阻責在南河此邳宿運河歷年辦理之實情也本年回空漕船過竣臣即飭徐州道估挑並以本年微湖存水較小江境邳宿運河必須格外挑深令於向例挑深五尺外再加深一尺於河身易淺處加深二尺飭庫發銀

江北運程

卷二十五

諭旨後

派員承挑送上岸堆存遠處責成徐州道駐工督辦辦完由河臣會同巡漕臣驗收再為照會東省鋪水臣估定派辦具稿送督臣百齡會同具奏茲臣接奉
諭一體嚴行飭辦臣復諄諭道廳等挑工必須照估送土必須上岸不得草率將來放水仍照黃林莊誌椿及臺莊河清兩厝紅油記鋪水常以五尺為度如不足五尺即咨省運添啟湖口插板增符定制如誌椿存水已足五尺而邳宿運河或有淺阻即將該管道廳及工員等嚴參斷不容藉詞推諉洵按此奏在嘉慶十七年十二月杪百齡黎世序疏臣黎世序赴桃宿查勘各工臣百齡督同委員往黃道入橋沙家口徐塘口駱馬湖等處詳勘詢知各水口來源皆出東省蒙沂諸山歸入沂河從西北建飯而下漚注東南駱馬湖由六塘河入海每遇夏秋大雨時行沂河水發當三進重船經過時可由各水口宣洩接濟春初重運北上則全資東省鋪水挽運此歷年辦理之情形也今微湖短絀而首進幫船業經渡黃臣等於萬分焦急之中亟籌目前轉輸之策因思各水口既可於沂河盛漲時藉以宣洩則現在水口內或有存

水自可截引其附近窪下之區或有積水亦可設法疏排庶涓滴皆歸實濟當派幹員窮流溯源確切查報旋據覆稱自山東黃林莊起至江境河定牐以上北岸有黃道人橋趙村湖馬蹄崖沙河南岸有伊家河現均存水甚少無可導引惟河定牐以下北岸有沙家口上至盧口一帶中有艾山湖武河閒段有水寬一二三丈至十四五丈深七八寸至一二三四尺及六七尺不等並有費墩止水一汪其盧口填東北境授賢集袁家灣草橋頭集紀家集黃家集等處均沂河支流存水寬十餘丈至二十餘丈深一二尺至六七尺不等距沙家口自二十里至七八十里不等均可挑渠築堤使衆水匯至沙家口徐家塘入運河可供河定牐下至匯澤牐運河之用臣等會商計自河定牐以下既有來源可引即毋庸微湖接濟惟河定牐以上至黃林莊則舍微湖之外別無來源且地勢較高不能將沙家口引出之水激而上行必須東省鋪水接濟該處河道僅長二十餘里不致多耗湖漕仍於各牐嚴板擊托接塘啟放俾免洩漏其自匯澤牐以下仍照前奏由駱馬湖一帶挑挖深溝引水由柳圍頭入運庶漕船到時進行無阻現已遴委員弁分投趕辦臣百齡馳赴阜河等

江北運程

卷二十五

三

處駐劄督辦臣黎世序在清江督催幫船渡黃並查勘黃運湖河應辦隄垣要玉均不敢遲誤簡按此奏在嘉慶十八年二月二十一日又疏臣百齡旬日以來現駐阜河督同徐州鎮道將府廳各員派定段落節節嚴催臣黎世序往來揚莊運口一帶督飭隨渡隨行將首進各幫船全數提至運口一百六十里之宿境濼流牐因該牐以下即係邳境向多古淺之處歷年皆須東省鋪水始可暢行當此轉漕喫緊惜水如金之際既須加意樽節水勢尤應多方籌濟運行因查邳境各牐河底水經臣等先期飭令挨牐下板並將就近各處水口徧加疏濬添助積至月餘已有水三四尺至四五尺餘寸不等雖一經啟板而無上游來源即難爲繼然趁此積蓄之底水尙足浮送數幫之漕船是早一日幫船出境即早日仰慰

聖懷隨飛咨東河臣酌量鋪水仍督飭該管道廳不必拘泥等候即一面於河面寬闊之處添築小垣藉資收束一面製成擠水挨牌使水勢散漫者皆得擡高幫船晝夜儼行連檣前進自濼流牐起又挽行二百餘里其古淺處所均起剝加緯毫無阻滯於本月十四日已抵匯澤牐東省前次來咨啟放獨山

湖水因該湖距江境黃林莊數百里之遙一時難期驟至且自黃林莊以下又皆按插下板測探獨山湖下注之水僅於東南兩省交界河道四十餘里內兩日之久始長水一尺七寸若江境一放河清等插則來水遞塘散涇統計不及數寸因又將江境籌備之沙家等處水口酌量開放添助趕緊催備適東省所放微山湖口插水頭於十五日甫至河清插而首進淮安頭幫船二十二隻及跟接之大河前淮安三等幫均於十六日申時挽出江境黃林莊交界伏思現在出境之船悉係江境底水及各水口來源遞相浮送其在後各幫自滌流插以上地勢河形細加查看半係流沙易致淤塞半係砂礮不能磨淺非藉東境隨時鋪注卽有客水亦難轉運裕如係屬實在情形今首進頭幫雖已出境而在後之二三進幫船喫水較重更當豫爲籌畫以免臨時水絀行遲除再咨會東河臣和衷辦理照例開放微山湖水源源接濟外並將江境各水口加意經理相機宣助以期全漕通行無滯倘按此奏在嘉慶十八年三月十六日又疏邪宿運河自滌流插以上半係流沙半係砂礮卽有疏導之水其來源均不暢旺難資源源挹注必須東省鋪水接濟臣等一面咨催東

江北運程

卷二十五

三

河臣鋪放微山湖水一面多方設法就各插河月餘蓄積之底水加以新疏各水口廣爲添助仍隨時酌量起剝始得將首進幫船於三月十六日申刻僂出江境而東省啓放微山湖鋪水直至十五日頭幫將出江境之際始見水頭下注臣等因邪宿各插河底水業經浮送數幫漕船計自滌流插至河清插已有三百餘里之遙塘塘有船插插板板一插之板方可挽一幫之船而板放水落卽又逐塘消耗誠恐在後各幫行走未能迅速隨又咨會東河臣以兩省同一轉漕現值微湖水絀在江境固當加意搏節在東境亦須隨時鋪濟前於微湖未經放水時將滌流插以下至揚莊一帶設法挽運已節省東省一百餘里之水昨復將距滌流插以上一百餘里之匯澤插下板擎托以期微湖再節省一百餘里之水乃自三月十五日東省鋪水至十七日止三晝夜之間僅在匯澤插以上比較黃林莊誌椿共長水二尺三寸已不足五尺之定數迨至十八日卽據徐州鎮道稟稱東省臺莊下嚴板十三塊又無漫板水下注在東省或因臺莊八插尙有淺澀不能不豫爲靳惜但江境僅收蓄有限之底水疏導無源之客水設上游竟無來源接濟亦恐重運不免羈滯臣等伏

江北運程

卷二十五

五

查乾隆五十一年徵湖存水八尺三分較從前尚多一尺有餘何以僅鋪至匯澤牖以上不但不能鋪足五尺並漫板水亦無接濟且往年鋪足黃林莊誌椿五尺不過湖中耗水四五寸今誌椿止鋪水二尺三寸又節省河路二百餘里之邊茲據東河臣咨送招稿內稱已消水六寸恐該管廳員所報存水八尺三分之數未必確實即此次據稟消水六寸亦恐係豫占地步為多報消水起見臣等現又飛咨東河臣此時即不必將誌椿水數補行鋪足五尺但每日必須照例留漫板水源源下注以資添助接濟臣百齡臣黎世序現在邵宿一帶輪換往來親督催儻仍將各牖河按塘拗板節節挽運不敢稍任遲誤倘按此奏在嘉慶十八年四月朔又疏本年重運臣等會同漕臣巡漕臣竭力同心惟期速益求速現將首進全幫挽出江境二進全幫均經渡黃三進亦俱價入瓜儀江口接續渡黃尚無稽滯查江境邵宿運河下游自滌流牖至楊莊收蓄底水尚深即使漸次消減猶有駱馬湖水可以引注中段自匯澤牖以下至利運牖亦有徐塘沙家等處水口導引添濟惟河定牖以上至東省交界地勢建礙不能引

簡異綱

繆公事豈敢彼此爭辯而目前實情必得奏懇

流上注必須東境接濟臣等前於首進未到時豫籌上下水勢不敢畏難藉詞東省照例鋪水迨至首進全幫提上潑流牖復加查看則又當合兩省情形籌計節宜東境鋪水雖較誌椿短放一尺七寸按河道又短鋪二百餘里而江境既有底水可用又有客水可添不必向東省索未足之例水但底水非長貯不消客水豈屢用不竭必得上游入牖照例日留漫板之水源源下注始克有濟三月初十日首進尾幫已挽上河成牖十一日即可出境乃因東省入牖停船十餘臺莊勢難啟板進船至十二日始將尾幫挽出江境是東境連塘積壓致江省遲牖稽遲臣等與道廳員弁再四講求兩省同歸迅速之法議將江境幫船提上河定牖即令東境臺莊牖減板放水兩處照會聯為一氣則二三進幫船隨到隨行即有剝淺亦不致久待業經東河臣照准辦理乃近接東河臣李亨特兩次來咨總執臣等初奏河定牖以下既有水源可引即無需微湖接濟二語為詞置臣等續奏於不問並每日漫板水亦或有或無伏思事有先後臨事必須相機言有公私空言難期實效臣等仰蒙

救下東河臣李亨特照前議將河定廂與臺莊廂互相照會啟板過

船並於八廂照例日留漫板之水接濟庶辦理得以應手簡

上諭 按此奏在嘉慶十八年四月十二日疏入十九日奉

諭 徵湖係運河水櫃歷來邵宿重運經臨皆由東省鋪水 downstream 每日留漫板水以資浮送其辦法并非始於本年徵湖存水現有六尺四寸有餘何以不挹注江境若幫船在江境阻滯則東省即有存水又將安用該河督務當確探下游各廂情形查照江省咨照事宜妥爲經理二十一日復奉

上諭 本年徵湖水小皆由不豫爲儲蓄所致自係東河辦理不善而現在存水既短又不得不通融籌辦但使糧船可以過境江省又何須鋪水過多若必欲格外寬裕致湖水一瀉無餘將來江廣重運經臨憑何接濟不但東省缺乏併邵宿亦不能接濟兩省束手成何事體總之此時二三進幫船源源北來其船身笨重喫水更多若幫船先在江境阻滯則東省即有存水又將安用若幫船償出江境東省無水接濟又何由設法抵通伊等務須顧彼顧此和衷熟商方於公事有益勿存畛域之見蓄諂卸之心嘵嘵不休妄行多瀆 又疏本年重運漕船因東境徵湖山水短絀江境邵宿運河深虞阻滯臣百齡卽專駢邵宿適中之阜河督率該管

江北運程

卷二十五

三

道廳遴調地方河工能事員弁分投導引各支港積存底水並於山東沂州府蒙山之陽探訪泉源九處派員前往疏濬其運河古淺之處築垣壑蓄所有上下廂座相機啟閉撈剝兼施臣黎世序於催督全漕渡黃後馳赴魯屬查勘黃河兩岸工程完竣亦卽至邵宿會同料理晝夜催挽不使一刻稍懈惟江廣船身笨重喫水更多而徵湖蓄水日少東省八廂內亦多淺阻節節起剝倒板方能浮送臣等前因東河臣李亨特節次奏稱湖水尙有八尺三分並不甚絀是以咨令照例宣放嗣接其來咨湖內實存水二尺六七寸至四尺三四寸不等與前數多寡懸殊臣等既知東省水勢過短若糧艘在東境阻滯與在江省無異是以不復向索例水祇就江境設法籌濟惟數月以來江境蓄運之底水業經送過首二進軍船三千餘隻存水日漸消耗挽運愈難自五月十三日起連次得霑雨澤河水見長一尺各處泉源亦均漲發由沙家口等處入運幫船稍爲起剝卽可前進臣等仍恐水勢遞塘下注易於消落復將中河楊家莊頭壩堵閉並於濼流廂以上接築束水小壩以資擊托每放一廂之船卽閉一廂之板幫船得以暢行茲於六月二十二日未時將三進尾幫

天庾正

軍船挽出江境計本年重運船一百幫其四千七百五十九隻全已償入東境

供最關緊要本年因微湖未能豫期蓄水以致東南兩省辦理費手臣等雖多方籌運誠恐水無來源未足長恃只期趁此可以浮送之時早得挽進一幫即可免一幫停候遲累於東省亦可免日久多消若軍船在江境行走過遲則由東抵通計期已屆深秋迨御米回空必致沿途東阻不能依限歸矣有誤新漕若在中途截留又恐盤剝折耗勞費益多臣等拘墟之見竊以事當通盤籌計未便藉口於節水恤丁致滋貽誤並非敢稍存意見過於求速也倘按此奏在嘉慶十八年六月二十三日 黎世序陸泌疏江境邳宿運河應挑淺工自上年十二月下旬起督飭各員築堤控水本年正月初旬興挑飭徐州道毓岱淮徐游擊陸允督催並派丞倅等官分段監挑寬堆積本年水勢短絀啟堤不宜過早時日甚寬上兩岸遠處堆積本年水勢短絀啟堤不宜過早時日甚寬得以從容辦理並於築堤控水後飭徐州道等復勘計原估外續有涸出淺灘應增估挑撈淺工一千三百九十一丈增銀一千六百餘兩派員趕辦於本月初三日竣工據徐州道

江北運程

卷二十五

五

具報臣黎世序知會臣陸泌會同驗收初十日查驗自下而上照估逐段較量並比對原估時信椿封墩均屬尺寸相符挑起之土均在兩岸遠處堆積不致仍卸入河至古淺處應築束水挑水堤臣黎世序親為查估先將每年必須築處或有舊基可以加築或舊基無存應行重築共計三十道現均照辦以資擊蓄攻刷餘俟鋪水後察看如有應行添築再為辦理不容糜費至利運屆年久損壞前奏拆造業已完工本年水勢短絀江境沙家口所引沂水現在泉源未旺來水無路駱馬湖面雖廣而康熙年間業經淤墊湖底甚淺現在蓄水雖似充足其實存水無多運河兩岸凡有存水可以引用已通行確查據徐州道毓岱稟稱運河西岸有邳州舊城湖離運河三十餘里舊有河形可以引歸利運船上以資濟助惟年久淤塞現飭令估挑引渠不日即可完工備用漕船截至初十日渡黃十六幫挽抵潞流屆下十二幫自楊莊垣起即開柳園頭沙家口兩處鋪灌利運船以下潞流船以上河道遞行浮送倘按此奏在嘉慶十九年閏二月十三日時黎任南河

江北運程

卷二十五

三

陸任總漕百齡黎世序疏重運船截至三月初八日已渡黃四十幫淮揚運河及中河境內均屬深通首進船三十幫截至初十日挽上灤流牐二十三幫與吳墩等原奏先用江境之水將首進挽至宿遷章程業已相符即應知會東河鋪水臣黎世序於初六日自浦來至早河查本年水勢短絀幫船能就江境之水多走一日東境即多留一日之水為脛來之用現在江境尚可設法挽行東河鋪水可以少緩數日不必拘定原奏總以節束水勢為要連日督率道將廳營將首進在前漕船挽上利運牐五幫行抵匯澤牐又往上多行一百餘里在後幫船次第挽行約數日內首進即可全上灤流牐均至宿遷境內一面咨會東河於望後鋪水接濟灤流牐下地勢建俄水勢直瀉現在添築東垣藉以擊托沙家口沂水發源東境蒙山臣等上年委員會同府縣遍加疏濬頗得資助本年仍派上次熟悉情形員弁前往會同府縣及東省委員儘力疏導茲據該員等稟上年疏出各泉外又挑出大小泉二十餘處頗為旺盛可以濟助漕行倘按此奏在嘉慶十九年三月十一日父疏本年重運因東境微湖無水臣等督同竭力設法將首進幫船挽行就江境之水能多走一

日東河鋪水即少緩一日留為將來之用截至三月十七日首進船三十幫已全上灤流牐在前之首二三四幫已挽上匯澤牐行抵河成牐下距東境臺莊僅五十餘里必須東境鋪水下注方可上行茲於十八日東境將萬年牐以下塘水敢放黃林莊誌椿長水入寸連河內舊存底水有二尺餘亦臺莊以上各牐於十九日卯刻即行下板臣等亦只得趁此些微之水將首幫催饜得行且行並下倒板擊托於三月二十日已出江南黃林莊境而來水旋見消落隨後幫船尚難跟接挽行查東境八牐內尚有德勝六里現又飛咨東河再行旋即萬年牐以下各牐亦僅敢放半日現又飛咨東河再行敢板接濟臣等督率道將廳營及委員等隨時撈板套塘提挽如有不敷隨時咨會東境添放板水入注彼此熟商以期無誤漕行江境自閏二月以來疏導沂河泉水由沙家口入運敢放柳圍頭引駱馬湖水入運浮送首進船三十幫上行全資此兩處水力用去之水實已不少而柳圍頭牐底較高頭以上王家溝引駱馬湖入運情形較暢現已盤做鉗束各埠一律敢旋並於柳圍頭池下運河添築束水垣一道以資

擊托邳州舊城湖存水挑空引渠由安家廂入運業已工竣
即可開放濟助利運廂一帶水勢現在舊城湖水無多臣等又
查得舊城湖西南一面卽近黃河但舊城湖內斷流而深塘積
水甚多委員查勘由邳北廳屬朱家房地地方開大隄盤做
鉗口裏頭各埧抽挑引渠並於下游各低窪處所添築攔堰
以免散漫卽可將大河積水引入舊城湖遞行入運是以無
用之水歸於有用本年運河滴水如金如有可以引導之處
卽應設法辦理臣等彼此札商意見相同現已估定委員趕
辦刻日完工以備放水應用倘按此奏在嘉慶十九年三月
二十日又疏本年東境湖漕缺乏邳宿運河向少來源恐
重漕阻滯臣百齡由安徽查看穎亳蒙宿上年被水各地方
順道閱兵於三月二十二日馳抵徐州聞東河臣吳璥與黎
世序均在交界一帶催償糧船臣就近由韓莊查看微湖及
東境八廂水勢至臺莊與臣吳璥等會晤查微湖周圍一百
八十里今止二十餘里存水一尺餘寸且在湖心勢難引之
外達是以東省敢放湖口廂所出之水不能鋪足八廂各塘
自十八日鋪放汶水道遠勢微廂內仍未充盈不得不遞廂
下板停蓄其鋪注江境者僅有東境萬年廂以下五廂之水

江北運程

卷二十五

五

而臺莊廂放水一日旋卽嚴閉首二兩幫先以江境之水挽
上匯澤復令帶剝挽抵河成距臺莊五十餘里始知會啟板
放水竭力挽進仍將河清河定兩廂遞行下板擡蓄得以饋
入東境本年東南運河僅將汶流遠注接濟原不能照舊鋪
灌兩省同辦轉運爲東省節水卽爲南省速遞何敢稍存畛
域臣等與吳璥通盤籌計查江境尙有沙家口柳園頭等處
導引之水添助濟運惟河成廂以上地勢建砥非東省來水
斷不能浮送應於臺莊各廂啟板提船後常留漫板水注
庶免重運停拽仍令在河成廂以上受剝套塘遞進則剝船
迅速輪轉而來水不致虛耗卽或剝抵臺莊東境廂上水未
充蓄亦不妨稍爲停俟水足再行啟板挽進則雖遲猶速
兩省均屬有濟臣等商定後恐廳汛各員仍分疆界各懷成
見現已飭令同心協辦連日首進挽入東境者截至二十六
日共四幫挽上潔流廂者三十二幫臣等督率文武各員晝
夜籌催儻此後澍雨頻霑河流增益卽二三進重船亦可陸
續挽行不致有誤倘按此奏在嘉慶十九年三月百齡阮
元黎世序陸泌疏臣等深知本年東境導引汶源之水勢難
遑注下游江境惟有設法引蓄水勢竭力籌辦探查東境八

廂水勢亦屬微弱不能常留漫板水接濟卽值啟板提船水
 勢下注江境塘長河寬下游實有不敷賴有邳州舊城湖存
 水及黃河積水次第啟放逕行引入運河利運廂以藉資濟
 益利運廂以上亦少資頂托惟不能倒漾上行自黃林莊至
 清定成匯各廂塘仍不免時形淺蹙復將東岸之黃道人橋
 存有積水雖屬無多亦可稍資接濟下游王家溝柳圍頭兩
 處引渠復加挑挖寬深柳圍頭池下西岸復添築挑垣以資
 擎托並分幫配剝饋挽上行每當閉廂蓄水剝船輪轉之時
 後幫卽難與前幫緊接至四月底天氣久晴不獨東境來水
 日微卽沙家口沂水來源亦漸見消涸臣等正在萬分爲難
 之際幸於四月二十九及五月初三初九等日東境及邳宿
 一帶得雨二三十不等大泛口及沙家口兩處來源稍稍見
 長黃林莊有水三尺餘亦清定成匯等廂運塘打放幫船得
 以接續饋提至五月二十日以後水勢復形消竭東境臺莊
 廂不能啟板江境又將黃林莊以下西岸之伊家河積水啟
 放首進在後之鎮海前江淮頭大河三尾幫船隻於二十一
 日得以全抵臺莊廂下守候啟板提挽出境至五月二十三
 日蒙沂山水長發由東境入廂下注黃林莊誌椿陡長水五

六尺首進尾船卽於二十四日挽出江境二三進船得此水
 勢臣等現在嚴督道將廳營汛委各員晝夜饋提不容一刻
 鬆懈可期以速補運倘按此奏在嘉慶十九年五月二十七
 日百齡黎世序阿克當阿疏竊查邳宿運河爲各省重空
 漕船北上經由要道上承東省各山泉及蒙沂諸山之水夾
 沙下注古淺處所最易停淤例於每年空重過竣卽行委員
 勘估測量河身受淤之輕重以定應挑之深淺每歲挑河築
 埧應需銀五萬餘兩由河庫籌款給發趕辦隨時奏報此向
 來挑辦之章程也伏查南河每年歲修搶修以及另案各工
 河庫奏擬款項已屬不貲而邳宿運河乃保歲歲應挑不能
 停緩要工所需銀兩雖屬無多然並無專款可動每年於庫
 中設法籌辦未免緩不濟急非久遠遵行之適查有前經
 吳璫托津會同前督臣鐵保等奏明兩淮引鹽三釐加價爲
 南河經費一欸每年共增銀六十七萬九千餘兩所有癸酉
 年課項現在徵收而今歲南河培隄挑河應用各欸業經奏
 明照數撥解此時并無另有緊要需用之項臣等擬卽於此
 欸內提出銀六十萬兩發交兩淮殷商照例按月一分生息
 每年十二個月應得利銀七萬二千兩按季解交河庫除歲

欽差

挑邪宿河道應需銀五萬餘兩外計每年尙可餘存息銀二萬一千餘兩積至二十七八年即可將前提六十萬兩正項歸款於國帑既無虧短而原發商本銀仍可照常一分生息作為邪宿運河挑費專款將來餘銀二萬餘兩尙可另作正款動用統計節省庫項甚多實為一勞永逸之計倘按此奏在嘉慶十九年七月六日疏入奉

照所請該部知道
黎世序疏江境邪宿運河每年經上游蒙沂山水漲發挾沙下注最易停淤定例於回空幫船過竣確估興挑以備重運經行本年東境山水疊次長發運河節節停淤尤須確切估辦臣於回空尾幫過竣即飭署徐州道嚴煥督率廳營逐細查估本年徵山湖水收符定制運河挑工應仍照向例尺寸估辦毋庸如上年之格外加深徒滋糜費惟各古淺易於停淤酌量加深一二尺以資通順共估挑工長八千一百九十九丈並黃林莊應築大垣各支河口應築攔堤共估銀三萬五千四百餘兩比上年挑工估用銀四萬八千餘兩較為節省已調派工員趕築各垣雇夫挑辦限二月望前完工照例會同巡漕臣黃鳴傑確細驗版再為鋪水以杜弊混而利漕行至運河內古淺之處每年估築束水挑水

江北運程

卷二十五

各垣以資擎蓄俟鋪水時察看情形辦理以期節省再此項挑工臣與督臣百齡前經奏明將兩淮委西綱鹽勦加價銀兩發商生息以資撥用現准鹽政臣阿克當阿咨稱該綱鹽價未經徵完是以尙未發商生息本年仍用歲修銀款通融辦理倘按此奏在嘉慶十九年十二月杪百齡黎世序疏查邪宿運河上游山水疊次長發各廂放板尙然流行不及酌啟利運潑流兩廂越垣以分猛驟之勢而河成匯澤以上兩路水勢猶高下懸殊船行不能迅速臣等復飭運河廳營將各廂越垣全行破除以平水勢幫船由各廂金門並越河兩路上挽倍為暢順第向來山水長發雖驟消落亦速誠恐來源稍弱廂垣俱開底水易耗仍一面酌備料物以便收窄埧門藉資收蓄一面飭調河工官剝船隻前赴邪宿以備起卸償行之用倘按此奏在嘉慶二十年六月二十四日黎世序疏邪宿運中河水勢充足但時已交冬應行節省所有運河各廂越垣及楊家莊口門頭二三埧飭令照例接築以資擎托而利漕行倘按此奏在嘉慶二十年十月杪百齡黎世序疏邪宿桃源運中河水勢自入夏至今東境雨水過多來源旺盛雖宣洩之路無處不經啟放仍未能大為消減

近日微湖增長已至一丈八尺餘中實從來罕有據東河臣李逢亨來咨亟須將湖口各廂垣啟放減洩臣等以江境沙家口以下既有蒙沂山水匯歸又加微湖水下注誠恐啟放過驟江境隄岸堪虞業經咨會東河循序啟放以免下游著重一面督令各廳營竭力修守總期回空漕船到境毫無阻滯過行歸矣無誤受兌新漕爾按此奏在嘉慶二十一年七月二十五日又疏邳宿運中河內減水各廂垣現在東境微湖水勢甚大正在力籌減洩之際藉其暢消均無庸堵閉唯東河咨會微湖水長至一丈八尺六寸實為從來未有之事查江境運中河為下游宣洩之路即飭將駱馬湖尾閘劉老澗鹽河廂等處分洩之路全行暢旋並將微湖尾閘坐落江境之伊家河垣拆除以資暢洩旋據運河廳稟聞東河因微湖水大議請啟放江境蘆家山垣洩水適臣百齡自安徽由徐州回至清江與臣黎世序會同札飭徐州道嚴煇查勘情形旋據稟覆蘆家山垣舊時洩水之荆山橋河道因節次啟放蘆家山引黃濟遜淤成平陸荆山橋南雖有間段淺水河道不能通流且歸於房亭河入運唐宋山格隄勢難抵禦荆山橋北湖路久已淤塞水由灘地行走不免夾沙淤墊

江北運程

卷二十五

運河且於附近田廬有礙今昔情形更變未便啟放轉滋他患臣等細覈所稟情形均係屬實嗣接

欽差

兵書尙書吳璥札商蘆家山垣是否可以啟旋臣等即詳細

札覆臣黎世序並因查勘運中河水勢情形親至山東交界

面晤吳璥得悉東省一切情形各廂垣橋孔全已啟旋截至

八月十四日湖水已消五寸該湖四面皆係高地可無衝決

之患惟因坡水泉源旺注東境運河河身本窄下游有八廂

鉗束是以消落不能迅速至江境運河廂座無多現在東境

廂河下注之水與伊家河分洩之水並行下注雖勢甚汪洋

而去路極暢連日水勢已見消動此後秋深水涸微湖水勢

可冀更為暢消爾按此奏在嘉慶二十一年八月二十一日

百齡黎世序李奕疇孫汝疏邳宿運河上游來水極多不

無停沙但經清水洗滌尚屬通順現在微湖水勢尚大正在

宣洩未便驟垣估挑將來如有停淺之處隨時酌量撈濬以

資浮送重運爾按此奏在嘉慶二十一年十月二十六日

黎世序疏奉

上諭御史王松年奏蓄水挑河嚴廂利漕一摺湖潞所以濟運東省微山湖之水宣濟八廂及邳宿運河應照定例鋪注其江境下游

江北運程

卷二十五

亦當豫計節宣水勢方能充裕茲該御史奏本年東省逾例鋪水
 又各屆並無底板旋放旋洩致形短絀著黎世序督飭工員將貓
 見窩淤處擇要挑挖深通屆當鋪水時務令各屆下板擊托毋令
 直洩以節湖濼欽此伏查邳宿運河別無來源專仗微山湖水灌
 注以濟重運是江境之利濟與否其權實操自東省從前每
 因鋪水不足互相委咎因於黃林莊設立誌椿總以誌椿水
 勢常平五尺為度以誌椿或可私移復於嘉慶十六年兩省
 會勘較準臺莊舖東牆旱石嵌鑿紅油誌與黃林莊誌椿水
 平五尺之數相符即江省每年估辦冬挑亦以紅油記為準
 配平紅油誌長河水不足數即照例估挑如已敷數即剔除
 不估重運渡黃後咨明東河啟放湖口新舊兩屆做板三晝
 夜以後仍留漫板水源源接濟務使臺莊舖水平紅油記定
 誌長河即一律水深五尺足敷糧船行走如木勢已平紅油
 誌而糧船仍有淺阻責在江境如木勢未平紅油誌而糧船
 致有淺阻責在東境此東南兩省歷年鋪水之章程也至邳
 宿運河長四百餘里河面倍寬於東省其各古淺處所因鋪
 水下注衝動泥沙每易停淤見淺即挑深亦所不免是以歷

年辦理冬挑之後隨時築做小埧逼溜刷沙載在靳輔成書
 近年因微湖水大江境運河洗刷深通每年冬較量誌椿以
 水平測量長河底比誌椿底尚有刷深是以擇淺疏濬毋庸
 一律估挑本年東省鋪水以湖口舊屆甫經修葺葺灰漿未老
 僅放湖口單牘六晝夜以抵兩屆三晝夜之數雖倍以時日
 似足相抵而源細流緩鋪灌未足旋將上游八屆層層下板
 江境水勢較驗紅油記定誌僅有二三時即馳詣該處督同
 淺阻並不止貓兒窩一處為然臣聞信時即馳詣該處督同
 道將廳營添做束水小埧並於各屆加板著水一面咨請東
 河照例鋪放並請委員來江監守各屆啟閉免致藉口於江
 境之多洩經東河臣葉觀潮復飭運河道添啟湖口牘板補
 放尺餘總未及紅油記五尺之數東南兩河臣衙門俱有逐
 日水報可查臣以東南兩省同辦一事微湖多一分撙節即
 兩省多受一分之益是以水勢雖不敷定誌但使糧船可以
 設法挽行即不再行補索以節湖濼仰賴

福重運漕船遇淺起剝套塘提挽得以如期出境不致遲逾
 例限是湖口牘兩次放水均未及紅油記定例並不逾例多
 鋪江省層層節宣亦未令旋放旋洩也近年微湖蓄水總在

皇上拱

諭旨訓

一丈三尺餘寸至一丈四尺不等而每年浮送重運三進幫船所用湖水不過二尺餘亦足湖蓄蓄足一年原可供數年之用况伏秋大雨時行山泉漲發不難添蓄二尺餘寸之水似不虞其匱乏且東省如果照例放水重運得以迅速渡完即可早為築堤添蓄新水彼此有益若放水不足重運既不能暢行水勢仍不免虛耗兩省文檄往還動延時日甚至即遇雨水漲發而漕船未竣亦不能築堤收蓄彼此兩誤是緩急先後之間在乎通盤籌畫而不必爭執分寸坐談事機至該御史所奏江南各牘並無底板一節臣查本年春東省委員即有此說當飭徐州道親詣確查江境各牘除逐日套塘敢開行板不計各有底板自五塊至八九塊不等此外復添築東水垣層層擊蓄該御史未悉江境情形率聽東省委員之言是以所奏未能確實且摺內亦稱東省鋪水定例總以符黃林莊誌椿為準本年春該御史親至臺莊牘目睹水誌不足諭令補旋今摺內又稱東境逾例放水殊與實辦情形不符現在邵宿運河業已一律估挑今奉

示詳明臣復嚴飭道廳逐細詳勘認真挑挖務令加倍深避各牘板塊豫行選補堅整束年鋪水時仍聲明定例咨會東

江北道程

卷二十五

三

河俾水勢常平紅油記定制之數江境固不得於五尺之外多索東境亦不得於五尺之內短放彼此恪守舊章庶於漕運湖漕兩無貽誤倘按此奏在嘉慶二十三年十二月十三日奉

孫批

所論是不分畛域和衷辦理必能有濟何必更張孫玉庭黎

世序疏邵宿運河定例每年回空過竣乘隙估挑以備來年重運自嘉慶二十年至二十二年因徵湖水大河槽刷滌深通僅止擇淺撈濬本年徵湖誌椿存水一丈三尺餘亦雖屬有盈無絀而江境長河必須一律普挑自回空過竣即經飭道廳逐細勘估茲據稟東省西灣關河堤於上年十二月二日合龍隨將黃林莊大堤並各處支河水口興工堵截消涸水逐細查勘遵照向例較準黃林莊誌椿及臺莊牘牆鑿鑿紅油記為度將長河分別挑深總期配平紅油記五尺之數足敷漕船行走至貓兒窩等古淺處所格外加深一二尺計挑河長一萬六百餘丈挑深二尺至四尺不等又利運牘西岸河頭有灘嘴挺出亦應挑切以順河勢又十字河北岸舊有柳圍頭牘引注駱馬湖水以濟宿遷運河並頂托上游水勢現在引渠淤閉亦飭一律挑深計挑引渠長三百六十六

夫以上挑河築垣共估料土銀五萬二千九百十九兩現已
揀員分段趕辦所用銀兩均於兩淮專款生息項下發辦毋
庸動用撥款錢糧至長河挑工嚴飭工員務照估定章程實
力督辦挑出之土遠送隄外毋致塌卸入河責令徐州道駐
工督辦工竣後臣等會同巡漕十二月初十三日又疏江境
偷接此奏亦在嘉慶二十三年十二月十三日
邳宿運河應挑淺工及修復行漕廂座經臣黎世序於上年
十二月飭委道將等逐細履勘分段派員興辦當將估挑丈
尺銀數奏明本年正月臣孫玉庭兼署河篆即責令署徐州
道周以焯駐工督率分段各員駐工嚴催限二月中旬一律
完竣據報完工正擬詣驗適臣黎世序

陸辭

回任便道驗收於二月二十日抵黃林莊工次按照估冊自

上而下逐段較量比對原估時所設信椿墩尺寸相符並
無偷減挑出淤土遠送岸外不虞塌卸入河各古淺處所格
外加深及宣濟駱馬湖水之引渠皆已挑竣較原估丈尺均
有數餘其向例應築挑水束水各垣亦經臣孫玉庭豫飭該
道將妥為查估將每年必須築垣之處先為趕築共計三十
六道以資擎蓄此後應否添築俟鋪水後酌量形勢隨時估

江北運程

卷二十五

五

辦至亨濟廂座亦拆修完整廂河上下悉已挑通並將越河
垣工堵築完竣重運經臨可資啟閉臣黎世序逐一驗收如
式即飭起除黃林莊攔垣以便東境控消河水趕挑大泛口
淺工現查重運漕船已渡黃十二幫餘皆陸續南來河口清
水暢出漕船隨到隨渡俟東省大泛口挑完工竣即咨明開
垣鋪水挽船北上恂按此奏在嘉慶二十四年二月杪又
疏查江境邳宿運河向來專恃東省微山湖鋪水灌注以濟
重運渡黃糧船守候須時本年江境駱馬湖蓄水較旺臣等
豫為籌濟先行引駱馬湖水浮送重船自桃源宿遷挽至阜
甯計多上行一百餘里積有二十餘畝始行咨請東省照例
鋪水茲據報東省於三月二十日已時啟垣放水二十一
日戊時水注阜河即將首進漕船連檣催備首幫大河衛船二
十八隻已於二十四日亥時備出江境在後各幫跟接備行
長河水勢足敷浮送查上年東省於二月十九日啟廂鋪水
首幫重船於三月初四日始挽出江境計行走半月本年東
省於三月二十日啟廂鋪水首進重船即於二十四日挽出
江境計行走僅止四日雖鋪水較遲一月而挽行實較速十
餘日實由江境先用駱馬湖水接濟之故此後連檣催備

湖水不虛秭實於搏節湖瀦大有裨益
倘按此奏在嘉慶二十四年四月三日

泇河經邳州自黃林莊上接山東兗州府嶧縣入境起

一統志徐州府運河自宿遷縣西北張家運口接中河水北經
窯灣口入邳西北經邳州西至黃林莊入山東嶧縣界自州南
直河口起上至山東夏鎮者卽泇河古祖水也明萬曆中河臣
李化龍所開自直河口南至宿遷縣西北駱馬湖口與中河合
者卽阜河今所稱新河也 本朝康熙十九年河臣靳輔所開
水經注偃陽縣西北有祖水溝去偃陽八十里東南流逕偃陽
故城東北又南亂於沂而注於沭謂之祖口子欽齊乘武河上
江北運程 卷二十五 三

流有故渠俗名文河卽古祖水土人云浚此渠六十里使之通
沛可避呂梁二洪之險徑達新濟明河渠考泇河二源一出費
縣南山谷中循沂州西南流一出嶧縣君山東南與費泇合謂
之東西二泇河南會彭河水入邳州境合蛤蟆連汪諸湖東會
沂水從周湖柳湖接州東直河東南達宿遷之黃墩湖駱馬湖
從董陳二溝入黃河隨地開闢或因渠而濬或就陸而穿塹山
剗石引泗合沂濟運道以避黃河之險靳輔治河書明萬曆三
十二年開泇河自夏鎮達於直河口漕運利之後直河口壅改
行董口董口復淤遂取道駱馬湖由湖西北行四十里始得溝

河又二十餘里至窯灣口接泃夏秋水發纒纒無所施冬春水涸淺處不流每重運入口役夫數萬撈浚宿邑騷然苦之按宿邑西北四十里阜河集其地有河形一道濬而通之可以上接泃河之委下達於黃但南患黃河之逼北慮山左諸山之水不有隄防難以行運乃卽取水中土築隄南起阜河口北達溫家溝挑濬共二千四百丈兩岸築隄四千八百丈凡邳宿舊河旁洩決口三十餘處盡行築塞又自溫家溝歷窯灣至邳境貓兒窩兩岸築隄二萬七千丈又貓兒窩一帶爲徐兗諸水所注恐水盛傷隄建減水埧三座以洩之阜河下口直截黃河伏秋暴

江北運程

卷二十五

美

漲不無內灌之虞迤東二十餘里張家莊其地形卑於阜河口二尺餘與黃水相準乃復挑支河自阜河歷龍岡達張家莊出口以阜河地高之水下注二十餘里地卑之張莊口迅流足以敵黃由是運河常通永無淤塞之慮又張莊運口爲阜河尾閘東通駱馬湖甚近今旣開中河接阜河此口若不堵塞則阜河水與湖水必半從此入黃中河之水必弱春初重運難行閉之則夏秋水發又恐內漲傷隄應將張莊口閉塞於其東建分水牖二座以減之猶恐霍濼漫溢宣洩不及當再建一平水大埧策方萬全也河防志泃河跨山東江南二省長二百六十里在

沛滕嶧三縣長一百六十里。其一百里在邳州界。邳州運河上自山東嶧縣界黃林莊下至宿遷縣界窯灣口。計一百二十里。屬邳睢河務同知管轄。宿遷運河上自窯灣口下至張莊運口。接中河。計四十七里。屬宿虹河務同知管轄。本朝康熙二十六年。開中河。運艘由中河入新河。張莊運口不復通黃河。按有明。泇河之議。始於隆慶四年。翁大立。中間舒應龍。劉東星等。雖經開鑿。屢阻異議。至萬曆三十二年。李化龍始成之。迄今利賴。然當時自董陳口出黃河。至清口一百八十里。洪流之險。未暇計及也。我

江北運程

卷二十五

五

聖祖仁皇帝親臨閱視。洞悉機宜。阜河既濬之後。

特命河臣。創開中河。上接泇河。下達清口。自此運道安行。無阻。乾隆間。聖駕五次南巡。指示方畧。運河無源。凡治淮治黃。皆所以治運。成功之速。規模之善。遠超前代矣。河渠紀聞。乾隆四十年。江豫河督會籌邳宿運河水勢。以利漕運。按江省邳宿運河水。無來源。全藉東省微湖挹注。本年楊家莊水勢。尙未充足。經漕督嘉謨具奏。承准。

廷寄。令迅速籌辦。總河吳嗣爵。姚立德。會議覆疏。查湖口。厝漫板。分洩之水。現有二尺六寸。下游江省清河桃源宿遷邳州境內水。

勢深者五六七尺。至淺已有二尺五六寸。足資糧船行走。間有起剝。亦卽進行。運河道會同淮徐道妥協辦理。惟是在後之二三進漕船爲日尙長。喫水愈重。微山湖存水。至今已消七寸八。插地勢建飯。非下板擎蓄。不特水勢一洩無餘。插口水溜。糧船上。插挽拽艱難。就現在微湖宣洩之情形。爲此後南運接濟之規。則湖口插板常聽過水二尺以上。入插內下板擎蓄處亦悉留。漫板水二尺以上。接濟下游。源源灌注。將來汎水一至。毋庸拘定此數。庶東省湖水節宣有度。江廣重船南來足資浮送。至邳宿境內。亦令多築東水草埧。其何家莊馬家集等淺處。仍上

江北運程

卷二十五

五

緊撈濬。宿遷駱馬湖王家溝柳園頭二插。察看水勢相機啟放。所築草埧口門量爲收窄。俾得束水刷沙。再糧船遇淺起剝。係歷年常事。幫丁於例帶土宜外多裝貨物。致載重難行。嚴飭沿途營汛實力查催。如果水勢充裕。聽其跟幫趕運。若河水僅敷行運。應將裝貨過多之船督令起剝。不許脫幫以速漕運。此會籌上下水勢濟急之道也。湖口八插留漫板水二尺餘。以濟下游而止。水當至淺之時。惟束水草埧可濟一時。潘宮保論插河淤淺急疏之法。如水溜在中。築丁頭埧以束之。水溜在旁。築束水長埧以逼之。節水之長道也。至用排板逼水湧刷排小船用。

杏葉杓撈濬。皆緩不濟急。惟多用椿草製活牖節水。水由埧中湧出。其溜自深。皆用以濟急而不可爲常。要在平時瀦蓄節宣。爲以智役水之用也。恂按一統志載舊漕河甚悉。並錄備考。徐州府舊運河。自山東魚臺縣入。逕沛縣北。又逕縣東南入府界。循城而東。又東南入邳州境。又東至宿遷縣西南。歷桃源清河。會於淮。卽泗水故道。亦曰清河。又名泉河。金元時黃河自徐州城北合泗。又東奪泗水之流。而泗皆爲河。明時爲運道所經。其在沛縣界者。隆慶萬厯中。別開新河。名夏鎮河。水經注。泗水經湖陵縣城南。左會南梁水。又南。郟水注之。又南過沛縣東。黃水注之。又南。逕小沛縣東。又南。東流。逕廣戚縣城南。又逕留縣南。

江北運程

卷二十五

五

培城東。

恂按培城卽今茶城。

又南逕彭城縣東。又逕冀勝墓南。又逕亞夫冢東。又東南過呂縣南。又東南流。丁溪水注之。歷下邳縣。逕葛

嶧山東。又東南逕下邳縣故城西。東南流。沂水注焉。又有武原

水。注之。又東南逕下相縣故城東。又東南得睢水口。又逕宿預

城之西。又逕其城南。又東逕陵柵南。又東南經淮揚城北。元和

郡縣志。泗水在彭城縣東。去縣十步。沛縣泗水西北流。入東去

縣五十步。下邳縣泗水西自彭城縣界流入。漕河考。漕河舊道

自靈璧縣之雙溝。又西北五里。爲徐州之栲栳灣。又西北二十

五里至呂梁洪。出州城東北。大浮橋。又西北至茶城。舊爲北接
牖河之口。又北至留城。入沛縣界。又西北至金溝牖。昭陽湖及
沙薛諸水皆入於此。又十里至沛縣。又西北三十里曰廟道口。
牖又十八里曰湖陵城牖。入魚臺縣界。此明初漕河舊道也。又
有新河。西去舊河四十里。明嘉靖四十四年。黃河橫決。運道大
阻。工部尙書朱衡開新河。自留城北至南陽牖。凡百四十一里。
有奇。又濬舊河。自留城至境山之南。凡五十三里。有奇。凡新河
之爲牖。九減水牖二十。垸二十。有三。薛河口石垸一。南陽湖口
垸三十餘里。又開支河。入旱則資以濟漕。澇則洩之昭陽。而運

江北運程

卷二十五

旱

道盡通。所謂夏鎮河也。萬曆九年。中河郎中陳瑛以茶城口逼
進黃河。因移河口於茶城東八里。創建古洪內華二牖。十六年。
科臣常居敬復於古洪牖東南二里餘增築鎮口牖。十七年。河
臣潘季馴又於塔山牛角灣增築隄垸以衛之。黃河始無從逸
入。三十三年。泇河成。漕道由直河西北至夏鎮。始合於正河。不
復由徐沛東。張公奏議。邳州運河上自山東嶧縣交界黃林莊
起。下至宿遷縣交界窯灣口止。計程一百二十里。屬邳睢河務
同知管轄。轉漕衡湘筆記。今分邳北睢南兩同知。全漕運道圖
說。徐州府邳宿運河通判經管運河上自山東嶧縣界黃林莊

起。下至桃源縣古城界止。計程二百三十六里。邳州志。運河自黃泥莊入邳境。歷卮口鎮。經徐塘。貓兒窩。馬莊。集萬家莊。窯灣。口。東流抵宿遷界。江南運河廳冊。徐州府邳宿運河通判一員。守備一員。管理邳宿運河。隄河上自山東嶧縣。泇河廳。黃林莊界起。下至中河廳。桃源縣古城汛交界止。河長四萬二千七百九十三丈。東轉北隄自貓兒窩至古城界止。長二萬四千六十七丈二尺。續行水金鑑。今按貓兒窩。迤上至黃林莊。九十六里。兩岸不設隄防。卽靳輔所言地亢土堅。空之而弗隄也。西轉南隄自唐宋山起。至卓河石礮止。隄長一萬二千五百

江北運程

卷二十五

聖

爲運河西隄。又自支河口起。至桃源坡墩止。長一萬一千三百三十七丈五尺。爲汛三曰邳運汛。曰宿運汛。曰宿遷中河汛。續行水金鑑。康熙二十七年。挑通宿遷桃源清河境內中河之後。設立中河通判。管理隄河。其舊有邳州境內河道。本歸邳睢廳管轄。宿遷運河一汛。亦歸宿虹廳管轄。三十八年。分上下中河爲二廳。上中河通判轄宿桃兩境。下中河通判轄清邑運河並安東縣境鹽河。雍正九年。將桃源一汛改隸下中河通判。名桃源安清中河通判。而將宿運汛改歸上中河通判管轄。其舊管中河汛內有黃河葉家莊埽工。改歸宿虹廳管理。名宿遷運河。

通判。乾隆二十四年。總河白鍾山。又將邳州一汛改歸運河廳管轄。名邳宿運河通判。五十四年。裁汰六塘同知。將宿桃境內六塘事務分隸運河通判。其清河安東沐陽海州境內六塘事務分歸中河通判管轄。至今因之。

右岸過伊家河尾。

一統志伊家河。在嶧縣西南。微山湖引河也。微山湖上承南旺。蜀山諸湖之水。其尾閘有二。一由湖口牖入漕河。一舊由張谷山出荆山橋而南。其經流也。乾隆二十一年。荆山橋淤塞。湖水暴漲。開伊家河以洩水勢。上起微山湖。下至江南邳州黃林莊。

江北運程

卷二十五

聖

入運。其長六十九里。由是諸湖匯派。無汎溢之虞。而有瀦蓄之利矣。漕運全書。乾隆二十二年。以運河連年漫溢。總河張師載

等會奏。山東八里廟。

恂按在張秋鎮南。

添建滾水坝。並將徒駭河頭之

龍灣。馬頰河頭之魏灣。老黃河頭之四女寺。各滾坝落低七尺。

以導其北注。開伊家河以暢其南流。俾運河水勢寸長寸消。自無異漲之虞。東河事宜冊。乾隆四十六年。豫省儀封曲家樓漫

溢。黃水由南陽湖西之穀亭一帶。激清下注微湖。水勢盈溢。入

厝。宣洩不及。於四十七年。重浚伊家河以資分洩。江南運河廳

冊。邳運汛西岸伊家河。上承東省微山湖來源。

河頭在微山湖口。坝之南利。

國驛
之北。乾隆二十二年挑濬。水由臺莊牖下黃家樓後入運。皇

朝文獻通考。乾隆二十二年九月。濬山東伊家河。從鶴年等議。以洩微山湖水。使由梁王城入運。漕運全書。微山湖下游雖有荆山橋。河伊家河入牖。正河三路分洩。究總歸於江南運河。下注。不惟上游之水消滅甚遲。而江南一綫運河亦難容納。勢須旁籌分洩。不使水勢全行入運。乾隆四十七年。東河總督奏准於銅山縣境內黃河北岸之潘家屯淤灘開空導清入黃。俾湖水多一分入黃。卽少一分入運。

國朝鶴年疏。臣裘曰修。鶴年於六月上旬在嶧縣韓莊池西查舊有伊家河一道。雖河形尙存而淤梗已久。是否開通得

江北運程

卷二十五

聖

以疏洩湖水。遠難定議。應俟委員確勘再行具奏。卽委布政司阿爾泰運河道李清時會勘。今據稟稱伊家河舊有水溝形跡。寬一二丈。深一二尺。不等。隨沿河往東南及入運處履勘。其河身段落。自韓莊池西舊有河形之伊家河開起。至江南梁王城入運。計六十九里七分零。長一萬二千五百五十三丈。河頭高於河尾一丈八尺四寸。所開河面自應加寬。但據洩河通判稟稱。逐處空井測驗。下多砂礮。創空需時。恐誤放水。未便加寬。原據河面。止寬七丈。似覺稍窄。今議定開寬八丈。底寬四丈。深一丈二尺。三寬不等。其河尾入運處挑寬十丈。使湖水暢流。河頭處所係江南利國驛舊路。所經請照兩江督院所議。於河頭建滾水石垣一座。按河身寬八丈。垣座應寬十一丈。並酌建石橋以通驛路。所需土方滾垣各工料原估銀十四萬二千三百八十六兩。今河面加寬一丈。土方銀數加增。另行估報。如有河身開至民田地畝。亦卽照例查辦。時值臣夢麟到濟。至韓莊詳悉相度。洵屬應行之事。至徐復與臣裘曰修商辦。意見亦同。伏查微山湖積水爲患。致濟金魚等村莊久淹時廬。

聖懷惟湖河一片去路甚微。運河之水年來甚漲。而旁洩運河之漲

者全賴支河分疏今河清等膺越河業經酌議開寬盧口等處又據堵閉入運之水既分則來源漸少亦可日久疏滑其下游駱馬湖已會商挑空菱溝港河二道由漕河入海以資分洩至伊家河實爲微山湖宣洩要區今速行挑濬與荆山湖口三路爭流則奔騰無滯直入八匯之外微湖積水自能遞掣而下臣等詳查應如該司道所議辦理現派兗沂曹道徐鐸運河道李清時督辦並分派段落專員經理倘按此奏在乾隆二十二年八月時鶴任東撫委以侍郎奉使疏入如所議行 震守侗何裕城明興疏臣等先後抵伊家河工矣查伊家河長一萬二千四百餘丈其河頭因接微山湖口湖流湧注水深一丈有餘自此至善莊橋以上長四千一百餘丈水深八九尺不等其間歇馬亭地方有月河一道長一百數十餘丈並迤北四百餘丈在兩山中均係石底鑿有溝槽水爲底石所激愈加湍流深亦八尺以外此河頭一股毋庸辦理至河尾一股長一千一百餘丈自楊家樓起水深八尺以下遞深直至梁王城入運處水深一丈一二尺有建瓴就下之勢毋庸估辦惟中段淤墊過高水祇二三尺流至河尾雖逐漸積深其勢甚緩且爲下游運河之水頂托是以水平

江北運程

卷二十五

罟

不溜而河頭一段內水極暢溜復因中段淺陞大半竟從兩岸缺口而出旁流散漫致河身形同魚脊不能由首達尾一路通順查中段自善莊橋迤北工頭起至花山橋迤南楊家樓工尾止長七千二百四十五丈中間因王家河口及萬年橋一帶河底本係砂礮且遇伏秋水發淤泥甚厚過水僅深一尺數寸遞及兩邊自二尺至五六七尺不等其河面窄狹有祇寬三四丈者萬年花山水勢係鄉民近年所建在河身淤淺之後是以橋底甚高於水二橋係有阻礙擬將此段舊行挑空就過水淺深定挑工厚薄總照現水挑深至八尺爲度其兩岸窄處亦一律切寬展至六丈爲率計估挑土工長六千六百五十四丈內旱方土七萬六千四百八十六方水方土十二萬九千八十二方又估挑砂礮工長五百九十一丈內土方九千五百三十一方砂礮一萬八千五百六十九方查砂礮挑空較難須多用夫力該處與八廂相近情形亦同應照每年挑空八廂砂礮例每砂礮一方用夫五名估計辦理至應挑工段內恐挑至數尺下亦如歇馬亭月河開出山根大石未免費力因委員逐段簽試並無石底但工段綿長萬一開深或有阻礙臨時設法妥辦再該河內木石橋八座

查河頭伊家橋及月河以下至鹽石橋其橋下過水甚深惟橋空太窄應於裏頭外開挑月溝一道以暢水勢除撥該汛額夫辦理毋庸估動錢糧並將木橋四座分別拆留其萬年橋下石底過水一尺二寸花山橋下石底過水五尺二寸且橋空窄小與現挑寬深處有礙均應另建以通水勢而便行人該橋雖建自民間今因挑河拆改若令民修未免拮据應卽一併估辦又該河內東西兩岸有缺口五十八處應於挑工完後分別估用柴土逐加堵築以免水勢旁洩流緩受淤至其中有在挑工以內之進水各口應先堵閉並將工頭築垣攔截以便戽乾底水插鐵與挑以上挑河築垣及建橋各工共需銀二萬九千四十七兩應卽撥司庫銀發辦所需挑河器具照例置備事竣覈銷臣等因勘估伊家河之便就近查看微湖現水深二丈一尺九寸較定誌尙餘一半必得多路速消且時近仲冬所有現估之伊家河挑工應及早辦理使歲暮趕竣放水糞多爲減澆是以請

旨卽行

趕辦俟阿桂自浙回時再加覆勘並可驗收所挑分數臣等因卽照估分定段落遴委河廳二員州縣十員承辦府廳四員承催並選熟諳工作之佐貳及河工汛舖員弁協辦專委

江北運程

卷二十五

呈

運河道督工上緊償挑現已築垣戽水約十日後底水涸盡卽集夫開挑限四十日完竣臣何裕城明興仍隨時查驗務期如式挑辦依限完工再伊家河自乾隆二十二年間開成後未定歲審之例致每年噴沙淤厚轉須費帑重挑應請此次挑審後遇每歲冬令運河估挑時於大小募夫工價之外量爲增給責成道廳將伊家河一併查挑務令河底與新建萬年橋底一律相平庶河身不致復淤承資分洩之益矣尙按此奏在乾隆四十七年十月 明興疏查宣洩湖水全在去路通暢今伊家河現已挑深臣前在工次開垣放水見湍流暢順業將消水尺寸奏報今自十二月二十五六七日又消三寸微山湖水現深二丈一寸比盛漲時消水五尺五寸是湖水日見消落將來豫工開放引河水無來源更易消退尙按此奏在乾隆四十八年正月初三日又疏臣前奉

諭旨令

臣派員往查微山湖現在消水尺寸臣遵卽委員前往查丈茲據運河道沈啟震稟稱自十二月二十五日放水後至正月初五日止續消水六寸探量湖水現深一丈九尺八寸比盛漲消水五尺八寸伊家河自河頭至河尾水深七八九尺

不等河水甚爲暢順臣查徵湖積水匯注雖漸消落總覺紆緩今伊家河挑成開於三日內消水三寸現又續消三寸計十日內湖水已減落六寸是河路暢達下注實有明驗將來桃汛開放引河水無來源消退定速運河兩岸隄工自必全行涸出一切插填隄岸各工均可與修完竣

八里左岸黃道人橋邳州

全漕運道圖黃道人橋在運河左岸趙村湖水由橋下入運江
南運河廳冊黃道人橋支河邳州志卽礮石河在州治西北源自山東沂州石

城岡由陶溝橋入趙村湖歸黃道人橋入運轉漕衡湘筆記壬子十一月十六日晚泊黃道人橋一統志趙村驛在邳州南新

泖口下明萬曆四十四年置南通直河口北接韓莊牖今有驛

江北運程

卷二十五

吳

丞

國朝阿桂疏嶧縣疆石河發源廟山陶溝河發源平山兩河匯歸陶溝橋南注趙村湖黃道人橋入運間段稍淤而趙村湖面雖不寬大爲粟水匯聚之地地勢稍低黃道人橋前經奏明疏濬應將是橋落低挑淤出水亦與運河有濟何按此奏在乾隆五十年十月十二日鐵保戴均元徐端吉綸疏巡視東漕給事中和靜所奏馬蹄崖至黃林莊未經估挑僅水深一尺五六寸一節臣戴均元徐端查上年冬籌辦河空時會同東河臣吳璈查看馬蹄崖黃道人橋一帶水勢甚深回空過竣上游煞填後尙存積水數尺測量河心全係稀淤若於此二十餘里內水底施工徒費無益且此種稀淤經清水淘刷即可深通未便糜費是以未經估辦以歸節省前於二月中旬界垣啟時誠有水深尺餘之處迨徵湖鋪水下注稀淤刷動旋即深逼臣鐵保戴均元逐段測量實水深四尺四五寸至五六七尺不等新漕首幫及眞黔兩省銅鉛船隻經行並未起剝何按此奏在嘉慶十二年三月十三日

五里左岸梁王城邳有河清牖跨河

江南運河廳冊邳運汎河清牖一座在州西梁王城上金門寬二丈二尺高二丈八尺八寸砌石二十四層雍正二年建挑越河一道長一百二十丈嘉慶十六年拆修每歲秋冬將越河築埧蓄水以利重運轉漕衡湘筆記十七日辰刻過河清牖月河自韓至臺各牖月河俱在牖左河清月河在牖右岸左有梁王城今圯存遺址而已漕運則例纂圖作梁旺四省運河圖梁王城中有治公廟八牖水溜舟倒行以犁過河清牖後水平舟順行以艫恂按梁王諸書無考惟方輿紀要徐州泗水至呂城積江北運程

卷二十五

畢

石爲梁故稱呂梁今呂城東十里呂梁洪上有二城一曰雲夢一曰梁王土人謂雲夢卽韓信梁王卽彭越徐邳相近邳或同於徐未可知也全漕運道圖邳州河清牖自嶧縣臺莊牖至此二十六里江南通志河清牖雍正二年建兩牆各長二十二丈四尺高二丈八尺八寸金門寬二丈二尺牖旁月河二百二十丈江南運河廳冊馬蹄崖邳家口劉家口水口三道在河清牖之下泝口之上嘉慶二年黃水入運衝缺之口至今每年伏秋洩運河漲水入湖冬間堵閉河渠紀聞雍正二年始建邳州運河清定成三牖按張伯行言濟甯至臺莊相去四百里中間設

牐二十座。臺莊以下至淮黃交匯中間將及四百里。並無蓄水之牐。宜於臺莊以下徐塘以上增建牐座。其時言之未行。至齊勤恪始用其議。創建三牐。一曰河清。兩牆長二十二丈四尺。高二丈八尺八寸。金門寬二丈二尺。牐旁月河一百二十丈。二曰河定。金門高寬丈尺與河清同。牐旁月河丈尺亦同。三曰河成。兩牆長十六丈四尺。高二丈七尺。金門寬二丈二尺。月河百三十八丈。工竣。三牐束下瀉之水。月河佐以行運。永爲漕利。然自河成至楊莊運口三百餘里。並無關束。河流直瀉淺運。乾隆乙巳。恂按五十年奏建牐於貓兒窩池下之八堡。曰利運。宿遷關以下

江北運程

卷二十五

吳

之王莊曰亨濟嗣奉

諭旨兩牐恐不足資擊蓄。乾隆丁未。恂按五十二年議於河成牐下馬莊亨濟

牐下坡墩各添一牐。奏覆如議。工竣。

賜名匯澤。滌流自黃林莊以南層層關鎖。啟閉由人。重運經臨。足資浮

送。嘉慶癸亥。恂按八年衡工漫口水注張秋。臺莊以下運道水淺。賴

諸牐擊蓄。空重如期往還。

貽謀深遠。流澤孔長矣。又乾隆四十八年四月。大學士公阿桂會同東

河何裕城東撫明興。奏勘河湖水勢。按自豫工合龍後。東省坡水以次就消。湖水亦漸消動。藩司陸燿運河道沈啟震查看江

南蘭家山湖水分洩之道。流行甚暢。阿桂奉

命自豫來東查辦。疏稱察看曹濟一帶漫水已涸。其江南之蘭家山爲

疏消湖水捷路。派軍機章京舒濂至荆山橋查勘水勢。據稟是橋一百九十餘孔。每孔過水中泓深八九尺。至一丈不等。流行甚駛。運河水落尺餘。微湖止消三寸。緣各湖地本低窪。微湖又爲各湖歸宿。水從西北向東南收束。是以湖面日窄。湖口誌椿仍未速消。現在各路坡水漸涸。荆山橋仍前暢達。其由伊家河湖口牯分消入運歸駱馬湖注六塘河者。自開漣河後。水已消動。江境運河之水。又可由臨湖王柳各牯分洩。微湖水勢不難江北運程。

卷二十五

吳

早符定制。倘按萬里雲程。以河清牯爲第五十四牯。並云卽梁王廟。

右岸過荆山河口。

倘按續行水金鑑運河圖。荆山橋河入運之口有三。一靳家河。一潘家河。一彭家河也。由微山湖分洩。合爲荆山橋河。其支流亦有三。一茶城河。一小梁山河。一內華山河也。橋之上游由右入者。曰水綫河。橋之下游由右入者。曰房亭河。入房亭河者。又有茅家山河。茶城小梁山。內華山。三河自微湖分來。水綫房亭茅家山。二河自黃河分來。皆荆山橋河之上源。水綫河首近蘇

家山。旁近大谷山。房亭河首近王家山。靳家河旁近王母山。又
蘭家山。埧爲微山湖尾閘。可洩水入荆山橋河。一統志南岸。按脩
金鑑所增。荆山口。河在銅山縣北二十里。廣數百丈。有長橋。

跨其上。上流與微山昭陽兩湖相通。下合諸山溪。房亭河流。邵

境入漕河。本朝康熙中屢濬。乾隆二十三年重濬。二十九年

又濬。漕運全書。乾隆二十八年。東撫崔應階奏。准令江南督撫

轉飭印河各官。將自于家口至茶城及小梁山內化山三處支

河一律勘估挑濬。使之直達荆山橋。其荆山橋上下河道及出

口入運之處。間段淤淺。普加挑濬。使湖水得以暢流。江南運河

江北運程

卷二十五

五

廳冊靳家河。上承荆山橋河。由汴塘池下。分流東北行。經王母

山前入運。乾隆二十二年。侍郎夢麟請挑。二十九年復浚。四十

二年在河頭汴塘築埧攔截。俾水由潘家河入運。潘家河上承

荆山橋河來源。由汴塘集下。至張家土樓止。乾隆二十九年。大

學士公兆惠因彭家河淤廢。請接挑河長九千三十丈。引水由

宿羊山北。達河成。牖下入運。如遇銅沛北岸蘇家山黃水下注。

亦由此河入運。房亭河上接銅山縣境。河道歸家河入運。乾隆

二十二年挑濬。河渠紀聞。雍正八年。議停荆山口水道工程。按

歐陽公言。事有利害輕重懸殊。擇其害少者任之。此通達之論。

也。東省蓄水害僅一隅。放入江南。害及半壁。况黃運之交。尤有不易言者。山東泉河。原有本境歸海之路。向以各湖爲水櫃。蓄水濟運。遇水大之年。汶泗以上。則有大清河。爲東漢以來黃河出海故道。寬深暢達。西來諸水。馬頰徒駭。諸河均能導流歸海。魚沛以下。雖有由張穀山荆山口入運通湖之路。而南陽昭陽微山諸湖。大堪容蓄。伊沭湖洵按。伊湖當是家河之訛。口諸道亦足分洩。且使運行寬裕。從未有東省之水開渠由江南荆山口宣洩入海者。有之。自費金吾奏疏。魚臺積水始。當時部議令會同田文鏡。稽曾筠尹繼善詳議。經竟甯准徐兩道勘詳。孔毓珣據詳未能。

江北運程

卷二十五

五

定議。及稽曾筠調任南河。疏稱。濟甯各州縣積窪之水。全注江南。竊恐下游難受。况徐州黃河北岸。接連蘇家山。寬衍數十里。不議築隄。黃水出槽漫灘。從岡頭十字河。荆山口。輾轉東注。而荆山口橋下。尙留山麓坡陀。勿使開鑿深廣。誠恐黃水入運。挾淤。良存深意。今議開濬。誠如部議。不入於運。卽入於黃。甚有關係。此江南水道上截之形勢也。又自徐塘口三岔河。地下運河窄狹。今再益山東河泉坡窪之衆水。運河西岸及邳州唐宋山格隄。均難保固。雖有馬莊萬莊減水石埧分減。然湖水高於黃運。患不可言。誠如部議。諸湖匯流而下。或致急不能容。且湖水

一片繚道安能飛越。此江南水道中截之形勢也。至駱馬湖既承受諸山各河之水。湖之尾閘。勢必宣洩不及。且桃宿清安直至龍溝海。自應一律築隄。但兩省之水歸注。安有綿長千里之隄可資抵禦。况沐邑有沐水匯流。海州有海潮上壅。儻河海相抵不能順下。卽有高隄亦恐撞擊散漫。六州縣城址民田沈於水底。此江南河道下截之形勢也。通查確勘。權其輕重緩急。開渠洩水。實未能舉行。疏上奉。

旨停止。

自此由荆山宣洩之道永不復啟。稽文敏履任正值蒙沂漲發。

江北運程

卷一十五

五

頃患始稍定。而下河州縣已遭沈淪。不獨邳宿六州縣城社也。分疏上中下三截條暢分明。洵爲經國之論。至今嚴閉蘭家山。頃不輕議啟。惟遇北岸有事。決水自西北而下。必須廣籌分洩。斯黃水涸竭。河身騰空。正可納入衝沙。十字河古城子房山諸處均可暢洩入黃。其入運入湖之水。河海分道。不相侵奪。亦無慮阻運橫流。至平成後。河槽盈滿。河底高仰。黃水倒灌掣溜。未能語此也。又乾隆五十三年。河督李奉翰奏銅沛廳茅家隄。插口鑿石開河以濟運。行按是時微湖存水不旺。江境別無來源。黃林莊至河清。屆時形淺涸。開放茅家山引河。使流入運。河頂

托上游來源。既不使東省放水易消。下游邳宿一帶亦資接濟。惟大河距隄甚近。土埽難資防禦。開渠引至山根。鑿山通道。天然成槽。水不能衝。李奉翰奏稱。邳宿運河年來水弱。銅山境黃河北岸大埧。汎茅家隄。於乾隆五十年奏開引黃入運。過水三尺四五寸。流入運河。長水一尺二寸。漕船得濟。五十一年。微湖水小。新漕重運。應行籌備。委淮徐道督率廳營疏濬河身。並勘明此處逼近大河。應將外灘引渠改向山根。就山開鑿石槽深六尺。卽石底作成石牖。仍用碎石加砌裏頭。引渠既有石底關束。以免掣溜。池下再鑲築鉗口埧工。大隄不致喫重。隄內引渠

江北運程

卷二十五

五

加築子堰。以束散漫之水。自茅隄改築通水後。邳宿通河無憂。淺阻。並於下年奏報淮徐工程水勢摺內聲明。牖上下臥石尚。有高窪不平。再鑿去二三層。引水通暢。重船更資接濟。伏秋汎出槽漫灘之水。分流下注。石幫石底無虞衝刷。徐城上下南北兩岸汎時。得此分洩。可減暴漲之勢。此與天然峯山諸牖皆依山鑿石有利無害者也。銅沛廳冊大谷山至蘇家山。康熙十七年築隄。長四百四十七丈。乾隆二十四年。卽隄頂建碎石滾埧。長五百二十丈。埧上臨黃挑河。長三百丈。以洩黃漲。後因河勢逕直。四十六年。改於蘇家山根挑河。長七百九十六丈。引黃入

垣積久漸淤。並將滾垣南三百十丈淤沒。止存北二百十丈。至嘉慶三年。過水太暢。跌塘堵合。於垣外加砌碎石。六年復於垣上。由大谷山至蘇家山築縷隄一道。長六百十丈。外拋碎石。又自大龜山至小龜山築格隄一道。長一百八十丈。又自小龜山至鳳凰山築縷隄一道。長三百四十五丈。爲大谷山新築縷隄重門之障。龜山格隄縷隄均係外辦未奏。蘇家山石橋一座。康熙二十一年修。

建金門口寬四丈。南牆石高一丈二尺。北牆石高二丈四尺。於嘉慶八年。兩牆各加石三層。十四年。南牆上雁翅上接築石工長八丈。計石十二層。今按道光二年加石八層。本爲減黃濟運。隨時啟閉。水

江北運程

卷二十五

蓄

同大谷山滾垣減下之水。由牯下水。綫河。達彭家口。河入荆山

橋河入運。嘉慶十八年後至今未放牯上已築縷隄。荆山橋河一道。自微山湖邊起。

至邳州界止。長一萬九千七百五十二丈。上承昭陽微山二湖

之水。經蘭家山。出荆山橋下。至邳州貓兒窩入運。乾隆二十三

年。復加疏濬。嘉慶十二年。大谷山牯垣洩黃過大。河閒淤墊。今按

道光二年。浚至邳州道。光一萬五千十五丈。蘭家山爲微湖尾閘總匯之區。向築攔河

垣。長一百二十三丈。乾隆四十八年。奏明中築柴垣。長四十三

丈。以蓄湖水。隨時啟閉。荆山橋石橋一座。康熙三十年。里人張

某捐修。長三百六十二丈。歲久傾圮。乾隆十一年。河臣白鍾山

以該橋爲南北通衢中大路驛遞要道奏請重建石橋長四百九十二丈內中間大橋十九孔每孔口門寬一丈一尺高一丈六七八尺西首平橋九十五孔每孔口門寬七尺高七八九尺至一丈二三四五尺東首平橋四十五孔每孔口門寬七尺高六尺至九尺一丈二三尺房亭河長二萬一千五百丈四尺

國朝田文鏡疏濬濬山東南等州縣水道使歸宿於海一案前經署東撫費金吾奏明經王大臣等議覆應令費金吾會同臣田文鏡稽會銜尹繼善詳確定議當於上年閏七月會委山東兗甯道呂維炳徑詣沛縣荆山口會同江南委員淮徐道康宏勳將張穀山十字河等處查勘如何開濬其沛縣下流入運河身並自彭口以下遇雨水過多時是否不致礙運有無支河分流濟甯等州縣應開之河下流豐沛入運入黃最有關係一併查議詳報嗣據詳稱濟甯等州縣積水

江北運程

卷二十五

五

由南陽昭陽微山諸湖下注自微山湖尾閘起歷張穀山至蘄家山河渠淤墊應挑濬一十五里自蘄家山至荆山口計二十五里毋庸疏濬自荆山口橋東起抵三岔河一百四十二里至貓兒窩此處運河狹窄其分洩一半入湖三岔河地下一里至萬莊亦有減水壩一座再於此二壩適中處照式添建減水壩二座又八里至窯灣有減水竹絡壩一座又六里至牛頭二灣有減水草壩二座以上四壩三壩可以洩水入湖以保運道及水入湖行六十五里至宿遷之三合土垠由五花橋匯歸劉老澗填下河內歷桃源清河沐陽安東海州計三百五十餘里止有安東沈家集池州一帶地窪河淺應行挑濬約百餘里其餘河悉深通但六州縣兩岸隄堰卑矮殘缺應加高厚其自龍溝以下卽係大河可以引水入海諸水皆有歸宿臣查此案勘議開通工程旣大自應審度兩省地勢高下悉心區畫使上源積水流通下游受水之區足以容納卽遇異漲亦得安流俾田廬永無淹漫首尾暢達於海臣因

未得親勘。正月內，河臣稽曾筠因公路過開封，臣與面議總期，詳慎承妥。又會委克甯道呂維炳，趁此水涸，會同淮徐道再加勘議。復揀選河南河內縣縣丞林逸、熟悉河務，檄令該道帶往一路測量。水平先將東省上源濟甯汶上嘉祥鉅野曹單城武金鄉及魚沛等州縣，徧加履勘，將應挑應浚之道里遠近丈尺寬深確估，務使水無壅滯，匯歸湖河。其湖水蓄應必盈，虧得宜於漕運民生兩無妨礙。再將江南下游各處應挑應築水道工程，勒仿繪圖冊報，以憑稽會。筠孔毓珣等查勘後，臣與會議具題，恂按此奏。在雍正八年二月二十五日疏入奉。

硃批

一切籌畫調度悉合機宜

夢麟白鍾山疏荆山橋河身淤墊

皇上命

臣等設法挑挖

又開茶城舊河加寬湖口廣爲宣洩今已照

估告竣第以一稜長河洩浩瀚無涯之水又有黃河北岸隄灘積沙若不責成專員時加查察竊恐旋濬旋淤勞費無已臣等悉心妥議善後事宜恭呈

聖鑒

一豐碭廳黃河北岸漫灘黃水俱歸微山諸湖自五年孫家集漫溢湖口沙淤盡成仰臉者今全湖形勢南高北窪致東省

江北運程

卷二十五

美

潦水屯積難下且現在湖水入河俱係挾沙帶泥附近支河各寬數丈至數十丈不等若不亟堵恐又淤墊查銅沛廳丁家樓漫灘黃水匯入蘇家廂下河形之內直衝荆山橋河身攔截水勢淤墊最易請飭河員將蘇家廂下河形築垣攔堵嗣後每年霜降後水落歸槽廳汛各官實力查辦儻有疎忽照例題參庶荆山橋河身可免黃水墊塞之患一荆山橋河道向屬水利工程不歸河工經管在地方州縣既不留心查辦而河員又以事非己任置諸膜外彼此推諉以致淤墊貽患請將荆山橋河道在銅沛境者歸銅沛同知在邳睢境者歸邳睢同知就近專管分爲四汛將微山湖尾閘之小梁山至茅村河道責成銅山縣薄經虎司巡檢經管茅村至泉河集成銅山縣呂梁巡檢經管紀家渡至王母山河道責成邳州新安司巡檢經管各就地界分屬二廳以專汛守仍飭地方州縣協同查辦庶事有責成不致推諉貽誤一荆山橋河道舊以橋下山根石底爲準若河身過深則石底翻成門檻河流不能下注且現在尾閘入運處河底僅高運河二尺稍加開鑿翻虞運河倒灌且微山湖尾閘當黃河北岸漫灘之衝

最易沙淤而自湖口至王母山一百四十餘里之尾閘紆回灣曲灘嘴更多應請照民修子堰例每年霜降後各廳汛逐一查勘何處積淤應濬何處生灘應挑撥近莊鄉夫實力查辦不使淤塞有礙宣洩其撥夫飯食銀兩請入荆浦邳睢二廳庫貯彙銷如此歲加修治隨時疏切費省功倍湖亦不致壅積一網捕魚且於各渡口接築附近居民每於兜灣處圍築堰堤下網捕魚且於各渡口接築附近居民每於兜灣處圍築事雖微細貽誤頗大請嚴責該管廳汛及地方州縣曉諭實力稽查毋許圍築堰堤馬頭以阻河達庶湖水盡行可收宣洩之益倘按此奏在乾隆二十二年六月杪疏入如所議行

尹繼善白鍾山疏奉

上諭據夢麟奏微山湖水漸次疏通其湖口洩入荆山橋河所有引水支河三道因近來疏通已暢是以湖底漸洩出路亦漸遠隨經接挑三百餘丈源源導引現在湖流自不致壅滯但將來非得專員留心查勘隨洞隨挑恐日久又成淤墊著傳諭尹繼善白鍾山等派令道員王鴻勳專司其事不時查勘如有水涸沙屯卽接續挑空務俾永遠疏通足資宣洩該督等並時加督察毋使已成之功復致壅塞也欽此伏查微山湖向因瀦水過多一遇霖潦旁溢

江北運程

卷二十五

著

四出淹漫爲患荷蒙

皇上軫念民依大挑荆山橋河湖水得以暢出又復遵

旨將湖中淤處廣爲開濬支河以引湖水計挑成引河三道小梁山

爲中股長七百七十八丈茶城爲西股長八百七十丈內華

山爲東股長七百二十五丈皆自北而南匯流荆山橋河入

運挑成臣親詣細勘湖水大消復有續現湖灘又將小梁山

引河頭迎挑三百丈茶城引河頭迎挑二百五十丈內華山

次騰空所有沛縣被淹田地涸出一萬三千餘頃俱已播種

秋禾東省金鄉魚臺濟甯滕嶧等處臨湖被淹地畝涸出耕

種者甚多今遵

諭旨令淮徐道王鴻勳不時往看探量如再有續現河身卽行接挑

臣等復時加查勘總期永遠疏通足資宣洩以仰副

聖上冀安水土之至意倘按此奏在乾隆二十三年六月初九日

霍應階疏臣會同兆惠查勘荆山橋河事竣由徐州起身會

同葉存仁赴伊家河查勘上下俱屬深通惟中段間有礮石

前經阿爾泰同臣督率開鑿石槽現今水涸河流尙屬奔湍

若再疏鑿寬深數尺則河底更暢但現在荆山橋河頭已於

本月初十日煞垣挑濬湖西之水不能下洩臣等酌議請將
韓莊滾水垣再展寬十一丈并將引渠一并疏通其伊家河
亦應暫疏分導俟三月內分委幹員督率開鑿剋期完工至
荆山橋河道雖治其尾閘而湖內葑草浮泥凡阻礙水道者
當此天氣融和速宜芟去臣已指定地界委員督加刈浚親
赴查驗倘按此奏在乾隆二十九年二月高晉疏黃河
北岸蘇家山滾垣原寬五百二十丈因連年浸水外灘淤高
不能過水春間曾飭廳營創開八丈以備過水臣赴該垣上
下查勘外灘水甚廣而上游東省漫灘之水由順隄河形
而下者皆係清水其勢亦大不足以資分洩當即督飭廳營
再加開挑以十二丈為度並將下游分洩微山湖水之蔭家
山草垣堵閉不使倒漾入湖其蘇家山滾垣分洩之水下達
荆山橋河由潘家河靳家口彭家口等河入運不獨荆山橋
一帶河道儘可容納而邵宿運河本年水勢甚小今得黃河
分洩之水接濟亦甚有益倘按此奏在乾隆三十八年七月
時任江督李奉翰疏邵宿運河雖屢經得雨水勢尙未大
長上游來水甚弱江境本無引水濟運處所惟銅沛廳黃河
北岸水綫河向年運河水小將舊橋垣起放濟運今歲三月

江北運程

卷二十五

五

黃水加長曾經放水接濟由荆山橋也運出潘家河入運頭
進幫船甚為得辦嗣因黃水消落垣工過水無多飭廳營暫
行堵閉將垣下引河查勘內有天齊廟起至荆山橋淤淺長
一千四百餘丈飭廳營挑深以備水長再旋旋據稟稱黃河
因上游萬錦灘長水下注徐州北門外於五月初六七日陡
長水三尺六寸隨將水綫河開放過水三尺八九寸至四尺
四五寸不等流入運河八九兩日即長水一尺四寸重運得
此來水不但船免起剝即運河前築東水垣工亦俱拆展口
門以利舟行倘按此奏在乾隆四十九年五月十八日時任
督臣薩載多方籌濟一切傍湖汊港全行乾涸並無濟運之
處舍引黃濟運別無辦法查徐州北岸蘇家山有水綫河疏
治深逼以備開放時值黃河水小不能過水復於蘇家山也
下勘有茅家山一處灘土堅疑河勢背溜隄內舊有河形接
入房亭河下達彭家河入運亦可引黃助運五月初間正在
趕辦適黃水加長徐城誌椿長至五尺六寸覈計水綫河開
放可以過水當即督令廳營開放過水三尺五寸由荆山橋
河也運入運河長水一尺三寸重運足資浮送日來重運漕

船銜尾前進催出黃林莊入山東境者共船五百七十四隻
並無阻滯惟黃河內今年底水本小此次長水消落迅速數
日已消水二尺餘寸水綫河又復不能過水運河亦漸消落
通盤籌計上游微湖目下存水八尺四寸八廂內層層關束
其流入江境者來源既小漕船難資浮送必須廣爲籌計今
水綫河業已斷流其茅家山一處應啟放且土性堅凝前
此所挑倒鉤引渠亦甚合宜自隄內舊河形至彭家河入運
計九十餘里此河現在寬深勢若建瓴惟河形中間有土塊
高仰畧爲疏通即可暢順與水綫河相似其引渠應築鉗口
垣工以資節制並隄工兩頭應盤鑲裹護以免刷寬臣卽派
員分投價辦於十六日開放金門過水寬一丈五尺深三尺
三寸十七日流至運河現已陸續長水一尺一寸重運銜尾
邁行至此次敢放黃水本一時權宜之計俟大雨霑沛河湖
水勢無需於此卽趕緊堵閉合并陳明 薩載李奉翰疏江
南黃運河湖水勢俱小重運經行未能迅速經臣會勘督飭
籌辦先將蘇家山水綫河開放旋因黃水消落引河不能過
水復將茅家山鑲做鉗口垣敢放引黃由彭家河入運接濟
節經具奏旬日以來洪湖高堰誌椿存水日消外河清黃交

江北運程

卷二十五

堯

匯處時深時淺臣李奉翰在東西垣外彭家馬頭迤上做東
水小垣接長挑溜不使停沙出口船隻陸續渡黃北上頭二
進糧船共五十七幫計三千二十餘隻於五月二十九日全
數渡黃催入楊家莊運口銜尾饋行現存三進江廣漕船雖
船身較重入水較深墨爲剝卸尙能挽渡查五月黃河長水
三次旋長旋消溜勢平緩自二十九日至六月初四日驟長
徐城誌椿已長至八尺五寸流雖湧猛埽垣工程尙尚平穩
臣薩載正過徐州察看情形水綫河已可過水下注濟漕所
有茅家山鉗口垣進水過多恐汕刷寬深當令道將卽行堵
閉臣李奉翰查勘桃源宿遷黃河各工行至阜河臣薩載會
同察看運河水勢自茅家山放水由彭家河入運後邳境河
成廂至宿遷一帶比前增長三何家莊窯灣貓尾窩馬莊集
等處前此流沙積淺處目下深三尺七八寸及四尺三四寸
不等重運已資浮送各幫銜尾饋行惟河成廂以上至黃林
莊數十里內彭家河挹注之水不能挽之上行俾有增長惟
藉東省來水接濟第上游八廂層層下板卽漕船頂廂亦係
拗板打放並無常川下注之水是以黃林莊迤下馬蹄崖黃
道人橋龔家渡等處八廂閉板後止深二尺四五寸及一尺

八九寸不等遇八牖啟板卽水深三尺餘亦但八牖不能逐日啟放重運卽不能迅速遊行惟有多添剝船輪流起運現催出黃林莊入東境者計八百餘隻倘按此奏在乾隆五十年六月初四日阿桂薩載李奉翰等疏鄂境運河全恃微湖爲來源一由東省湖口雙牖經八牖注入江境一由蕪山垣於茶城小梁山內華山三道引河出荆山橋入邵汛運河查微湖關係兩省濟運設槽內蓄水無多自應儘上游東省提往儻湖水充裕江省邵境則無來源必待八牖啟板未免緩不濟急臣阿桂酌量情形必湖口誌椿存水在九尺以下卽不便將蕪家山垣輕開致湖水耗竭如誌椿存水九尺以上應依成例開放蕪家山垣玉俾江省藉資分潤於重運經臨察看湖水情形按誌椿尺寸由薩載與河東河臣彼此知照酌定再行陳奏開放其通湖入運三道引河年來積淤深厚若普律興挑未免大費查內華山一處勢最直捷只須將引河挑空卽足以資接引如此則微湖水大既多一路宣洩運河水小亦多一路接濟以上各處臣薩載等現卽勘估奏明辦理倘按此奏在乾隆五十年十月三日蘭第錫明興疏臣等承准大學士公阿桂抄寄會奏江省湖河情形摺

江北運程

卷二十五

卒

丙如微湖誌椿存水在九尺以上開放蕪家山垣工句旁欽奉

疎批

此事再與蘭第錫明興詳籌酌行欽此臣等卽札商籌議查微山湖隸屬兩省歷來蓄水濟運以湖口雙牖爲關鍵自八牖至邵宿地勢高下相懸前議收至一丈一尺方可暢出不竭去冬八牖一帶動格大挑河身較前落低是以夏間湖水消至六尺八寸尙能宣濟如將來蓄至九尺以上該湖來源正旺設遇江境淺澀臣等接到江南知會公同酌定暫放蕪家山垣俾下游多一接濟之路若下游不致過弱祇從湖口牖放水下注已資濟運毋庸另議開垣查現在湖口誌椿存水七尺五寸雖臣等設法籌蓄尙未能大加增長是此時蕪家山垣應照原奏不便輕開致湖水耗竭總在臨時察看情形彼此知照相機妥辦倘按此奏在乾隆五十年十一月十一日季奉翰疏韓莊八牖池下江省境內惟藉微湖濟運黃林莊至河清牖尤爲江境咽喉別無來源卽將茅家山引河照舊啟放使流入運河頂托上游來源既不使東省放水易消而下游邵宿得以接濟近日邵宿運河水勢時長時消臣與河東河臣彼此咨會將湖口牖及萬年等八牖重運經

江北運程

卷二十五

至

臨輪流放以期源源挹注其茅家山引河入運之水日增重運幫船可資浮送洵按此奏在乾隆五十一年五月十三日爾第錫疏豐汛六堡隄工漫溢漫水下注豐沛兩縣均在遙隄之北因遙隄年久卑矮水至遙隄溜分兩股一由遙隄之北豐縣趙莊河下注一由遙隄之南豐縣清河沛縣食城河下注至微山湖邊已漸澄清其蕪家山茶城一帶湖水漸見增長已飛飭將蕪家山填工開放宣洩倘按此奏在嘉慶元年七月九日又疏連日察看運河水勢三十餘丈邳汛馬蹄崖等處水口原寬八九十丈者現只寬三餘丈計算漫水已消去十分之五六此後漕船經行又當慮其不足應即豫籌收蓄為濟運之計查微山湖尾閘之蕪家山填為收蓄最要機宜臣於豐汛六堡將次合龍時已飭發錢糧嚴催該道廳購料盤頭堵築據報該垣共長九十五丈已築成五十八丈不日即可完竣洵按此奏在嘉慶二年二月二十一日蘇凌阿爾第錫伊江阿康基田疏山東曹汛二十五堡漫溢過水三十餘丈漫口下注之水亟應豫籌分洩臣蘇凌阿臣爾第錫先已奏明將蕪家山填工拆除俾水由荆山橋下注其在東境之伊家河亦經臣伊江阿臣康基田飛

飭運河道開放分洩洵按此奏在嘉慶二年八月初十日康基田疏臣由荆山橋坐船至邳宿桃清運中河內逐細查勘較大汛盛漲時已落水丈餘所有洩清入黃之水棧河子房山引渠宿遷十字河中河劉家莊等處口門先經堵築堅固指日黃水下注足資抵禦其運河東岸洩水歸湖入六塘河各水口亦俱次第價堵業已一律如式全竣測探運中河河心淘刷加深由楊莊出口流行甚駛指日新漕重運將臨又當豫籌擎蓄臣察看機宜飭令將中河楊莊運口雙金盾鹽河插各草垣分別接築堵閉以資收束其駱馬湖尾閘五垣亦即堵閉蓄水以儲濟運兩岸繕道隄工經漫水盛漲之後多有汕刷殘缺現督道廳樽節估辦分段修築以期悉復舊規至微山湖尾閘之蕪家山填尤為收蓄最要機宜前因東省插內漫水尚須宣洩是以暫緩進占臣與司馬駒往返札商將蕪家山填工逐漸收束總使湖水蓄洩得宜足資灌輸新漕以仰副

聖王座

念漕運河防之至意洵按此奏在嘉慶三年十一月杪又疏東省運河之微山湖因上年底水本大兼之伏汛波水匯注致逾定誌前東河臣吳啟奏將微山湖尾閘之蕪家山填

江北蓮程

卷二十五

三

酌開宜洩俾由荆山橋河下注臣當經飭令敢旋據報已消
 水尺餘再有消滅即行堵閉收蓄以備來春重運向按此奏
 在嘉慶四年十一月既望鐵保疏現在河口已逼糧船指
 日償渡而在楊莊停泊者尙須藉微山湖水量不稠淺昨臣
 接據江省咨文即札該管河員暫緩築填酌量放月餘來年
 微湖存水原備明年浮送糧船之用若本年暢放月餘來年
 不能接濟所關匪細且現候築填與挑韓莊以南不能挑空
 亦礙重運臣查江省有水淺河可以放水濟運現係冬令水
 清不慮沙淤河道實為兩便倘按此奏在嘉慶九年十一月
 十九日鐵保戴均元徐端額勒布疏王母山一帶因上游
 蘇家山漫水衝開碎石滾坭致黃流入運間有倒漾淤淺前
 經飛飭廳營先築草埧逼溜刷深嗣據稟報空運首幫已抵
 王母山地方水深二尺上下不無淺澀查回空趕辦新漕最
 關緊要即令顏檢前往率同各員弁趕緊辦理疏築兼施以
 冀運道深通幫船無阻並嚴飭道將趕堵蘇家山漫水來源
 俾清水仍舊暢出倘按此奏在嘉慶十一年九月七日徐
 端那彥成疏東省微山湖前聞收蓄不甚充裕韓莊湖口誌
 椿僅存水八尺四寸當飭徐州道張鼎就近勘查蘭家山埧

十里左岸泖溝州

經嶧縣南境有巨龍河來會

皇朝通志 又東南入江南邳州西北境有泖河

自費縣來會會典東泖河出費縣東南流經蘭山縣東納芙蓉

湖水南流入江蘇境西泖河出費縣東南流入江蘇境與東泖

河合入運河水道提綱 臺莊 又東南入江南邳州西北界折而

南流有引河北自山東來注之。卽西泇河也。西泇河源出費縣東南山兩源合而

南流百三十餘里入江南邳州界又南折而西南流五十餘里入運河。此道自萬歷間始開以通運。由直河口西北至沛縣夏鎮長一百六十餘里。避黃河之險者三百餘里。邳州志引河去城二十里。出自沂州抱

犢埧。經黃石山泇口。考究泉入運。江南運河廳冊汶河。邳州志作引河

亦名營河。源自東省沂州抱犢岡諸山之水。下至泇口入運。山東運

河備覽泇河以東西兩泇得名。泇源發費縣箕山。經沂山卞莊

而南。西泇出嶧縣抱犢山。東南流至三合村。與東泇合。又南合

武河。至邳州入泗。謂之泇口。嶧之南有中心溝。受白茅山泉水

下流爲彭河。又東會承水入泇。山東通志泇河有東西二源。東

江北運程 卷二十五

泇水自費縣箕山下發源。南流入蘭山縣界。逕卞莊。匯入郟城

縣境之芙蓉湖。又南入江南邳州界。逕大道口。至三合村。受陽

明河水。又與西泇水會。西泇水自費縣抱犢山下瀑布水發源。

東南流。逕崖頭洞。入邳州界。至三合村。會東泇水。又南合於武

河。至泇口入運河。涑河。卽武河。自費縣西南柞子崗。下天井。注發

源。東北逕馬莊。集毛家河西。單集。又東至朱保村。費縣境內。行六十里。入

蘭山縣界。又東至堰上村。分爲一支。一支東流。逕故卽邱城。後

東至郡城西門。復分二支。環城而入於沂。一支南流爲武河。至

莊塢頭。入郟城縣界。至耿家墩。有蘇河入之。又南有燕子河水

入之。又南至紅溝園。入江南邳州界。會泇水。由泇口入運河。方輿紀要。泇河在州西北九十里。向按里數據州舊治言源出山東嶧縣合

蛤蟆連汪諸湖。東會沂水。從周湖柳湖接州東之直河。又東南入宿遷縣境之黃墩湖。落馬湖。從董陳二口入於黃河。河防考

隆慶中。河臣翁大立議開泇河濟運。不果。萬曆三年。巡漕御史

劉光國等復請從沛縣夏鎮馬家橋經州北葛墟嶺。良城侯家

灣入泇口河。至清河縣大河口入黃河。計五百三十里。以便漕

議者謂泇口穿葛墟諸山。皆沙石不可鑿。南北大河相連。不易

隄。非計乃止。二十一年。舒應龍挑徐州北境韓莊中心溝。鑿山

江北運程

卷二十五

齊

刻石。通彭河水道入黃河。而泇口始闢。二十五年。劉東星因韓

莊故道。鑿良城侯遷莊及挑萬莊。由黃泥灣至宿遷縣之董家

口。試行運。而泇脈始通。三十五年。李化龍復循舊迹。起自夏鎮

迄於直口。凡二百六十餘里。避黃河險者三百餘里。中間開李

家港以避河淤。開王市田家口以避河險。鑿祁山以展河渠。建

良城臺莊侯遷頓莊丁廟萬莊張莊德勝等牘以節宣水利。而

泇河之利始備。崇禎七年。漕臣楊一鵬復議濬之上言。泇河上

自沛縣李家港。下至喧河口。計長二百六十里。今新挑之河。避

灣取直。實二百四十里。宿遷至趙村約百二十里。趙村至嶧縣

萬家莊約九十餘里。萬莊至夏鎮亦約九十里。自李家港至劉昌莊全挑新河八里。建牖一座。劉昌莊至萬家莊計長八十里。內除韓莊等處二十里六分舊渠外。全挑新河十六里。濬舊河四十四里四分。建牖一座。萬家莊至黃林莊計長四十里。內濬舊河三十八里三分。全挑新河一里七分。建牖三座。黃林莊至直河出口計長一百三十一里。內除梁家紀家田家集共七十里。舊河深闊免挑。並王市東新河三十里。派山東助挑外。實濬舊河四里五分。全挑新河二十六里。建牖三座。自是東南之漕皆取道於此。又泲口鎮在州西北九十里。倘按里數亦據舊州治言亦曰泲

江北運程

卷二十五

壹

口集一統志西泲水在嶧縣北六十里。亦名泲河。卽古粗水也。源出縣東北抱犢山。東南流至邳州界。會沂水入黃河水。經注偃陽縣西北有粗水溝。去偃陽八十里。東南流逕偃陽故城東北。南亂於沂。而注於沭。謂之粗口城。齊乘東泲河出沂州西北之箕山。西泲河出嶧縣東北抱犢山。東南流至三合村。與東泲合。又有魚溝水出浮邱山。亦合於此。故名三合。南貫四湖。又南合武河入泗。謂之泲口。按唐書地理志。丞縣有陂十三。蓄水溉田。皆貞觀以來築。齊乘言。今沂嶧二州仰泲丞二水溉田。青徐水利莫與爲匹。皆十三陂之遺跡也。明萬曆三十二年。總河李

化龍開泖口自夏鎮李家港至黃林莊名曰泖河。以此水得名。二年改泖河爲運道。又泖河在邳州西北。自山東嶧縣流入。齊乘有東西二泖河。至三合村合流。南貫四湖。又南合武河入於泗。謂之泖口。淮泗舟楫通焉。舊志西泖河在州西北一百五十里。源出嶧縣抱犢崗。流至州北一百里爲營河。一名蒲亭河。又有城子河。在州北五十里。源出沂州蘆塘湖。流經營河入武河。今皆入運河。又泖口鎮在邳州西北三十里。亦曰泖口集。有新安巡司駐此。明正德中官軍敗流賊劉六等於此。又營河橋在邳州舊城西北九十里。泖口鎮。會典江安糧道屬邳州沛縣糧江北運程。卷二十五。 奕

船俱出泖河。

明宋之普疏。臣家沂州。西泖河東濠河入漕。運泖河之處。俱在泖口。原自通行年久。湮淤每致有河身高於平地者。是在疏通河身。使諸水盡歸於河引之。既以濟漕而屯田。民田皆可爲沃壤。實兩利之道也。至沂河之爲臣州患者。總在落馬湖。下流湮淤。但得湖流疏通。則沂水之患自淺。全漕之利思過半矣。倘按疏見長編。崇禎十二年。時任工科右給事中疏入。命河臣酌議。以聞。續行水金鑑引邳州志。載此疏於思過半矣。句下接錄河臣張國維疏。自邳宿運道原有沂水一支。沂治其害。四十一字。及不改從上游。至力難而費鉅十九字。蓋將張疏併入宋疏矣。茲仍分載。以著其實。張疏詳下徐塘口條。

十里。

右岸大王廟。

邳州有河定牖。跨河。

轉漕衡湖筆記。午刻過河定牖。月河在牖西。地名大王廟。

江南通志河定牖雍正二年建兩牆各長二十二丈四尺高二丈八尺八寸金門寬二丈二尺牖旁月河一百二十丈江南運河廳冊邳運汎河定牖一座在州西泖口下金門寬二丈二尺高二丈八尺八寸雍正二年建挑越河一道長一百二十丈於嘉慶十六年拆修每歲秋冬將越河築埧蓄水以利重運全漕運道圖邳州河定牖自河清牖至此二十二里漕運全書自入牖至大王廟等處運河水微必浚泉匯湖導引入河濟運恂按萬里雲程以河定牖爲第五十五牖

江北運程

卷二十五

宅

國朝尤何題金龍大王廟詩河伯曾聞楚九歌卽今瓠子不揚波將軍飛輓牽牲入估客張帆漚酒過雲外旌旗搖孔翠

宮中簫鼓舞鼉鼉五湖四海猶鱗甲獨禮忠魂對汨羅

十里

右灘上邳州

水程細數單灘上有汎全漕運道圖四省運河圖西岸有上灘

集東岸有沙家口江南運河廳冊邳運汎北岸沙家口在河定牖之下

源自東省蒙沂諸山之水入州境武河艾山燕子等河經盧口

埧出新治南西達沙家口入運年久淤淺嘉慶八年間段挑濬

長一千二百三十丈武河源出山東蒙山至沂河分岔起下至

郟城入州境紅溝經艾山西流繞新治南歸沙家口入運艾山

河府志載在新治北五里邳州志稱一名柴溝河源自山東蘭山縣芙蓉河分流至郟

城縣三合莊入邳境。達艾山河。由城西會武河。歸沙家口入運。

燕子河。邳州志。河在州東。源出蘭山。縣龍王廟。屈從郟城縣西。由郟城大橋口達州境。分

爲兩派。西股入艾山河。東股入武河。匯歸沙家口入運。

十里。左岸。徐塘口。邳州。自東來入運者。沂水支津也。有河成。插河。

皇朝通志。有沂河自費縣來會。又南。有沂河支津二來會。會典。沂河出臨

朐縣。沂山東南流。經沂水縣。轉西南流。北納出蒙陰縣之東汶

河。南流。經蘭山縣。西納出費縣之祊河及武河之分流。南流。經

郟城縣。入江蘇境。水道提綱。西沂河。又南。至徐塘口。東有沂河支

津二道。俱東自州城之南。並西流來會。邳州志。沂河出自蒙山。

江北運程

卷二十五

矣

經沂州沂水縣。南流。至受賢鄉。分派一支。出盧口。西流二里許。

復分二支。一經城南。會武河二十五里入運。武河自山東馬旺湖。由邳州米湯湖。

出經艾山西流。繞城南會沂水入運。一經官湖。出徐塘口入運。其本支南流。至趙

家莊社各溝。亦分二支。一經砲車。繞廟防山。歸駱馬湖。一經龍

池。隅頭。歸駱馬湖。二水舊俱由臧家口入運。今運河填築。俱歸

駱馬湖入運矣。一統志。沂州府沂水。源出蒙陰縣北。東南流。徑

沂水縣西。又南流。徑蘭山縣東。又南流。經郟城縣西。又南流。入

江南徐州府邳州界。明知州何格議。治沂有二難。一隘於石溝。

一隘於廟山。自石溝以上。有坊口。通長溝。溫泉入泯之故道。廟

山以下有馬兒灣通五丈溝蘆塘諸湖入邳之故道實又沂之故蹟也。長溝不可不開以殺石溝之隘。馬兒灣不可不開以疏廟山之隘。石溝在蘭山縣東北。廟山在縣南八十里。乾隆十三年以河臣高斌言。沂兼受諸水。夏秋盛漲。易致泛溢。動帑修築兩岸長隄。又於江風口建迎水滾水各埧。歷久漸圯。迨二十

二年侍郎裘曰修。河臣張師載相度重修江風口各埧。並增築隄一百八十丈。其埧外支河及淤泥河。又上流武河及其西之

燕子芙蓉二河。並加濬治寬深。自是沂屬永無水患。

武河在邳州南自山

東嶧縣流入。卽古治水也。由米湯湖會沂水。經艾山繞城西南入運河。乾隆二十二年浚燕子河。在州東北源出蘭山縣。屈從

江北運程

卷二十五

究

郟城縣西入州境。高冢社由米湯湖南流至湯家樓。入武河。係乾隆二十二年浚艾山河。卽柴溝河。在邳州北。自蘭山縣芙蓉河分流而南。至州境高冢社西繞艾山。從城西入武河。亦係乾隆二十二年浚。洳河廳冊武河發源費縣。入郟城縣境。計長六十餘里。入江南邳州。燕子河發源郟城縣境。龍王堂。計長九十餘里。入江南邳州。芙蓉河發源費縣箕山下。由蘭山縣入郟城縣境。計長五十餘里。入江南邳州。一統

志徐州府沂河在邳州東。自山東沂州南流入境。至州東分爲

二支。西南流入運河。其正流南入駱馬湖。乾隆八年後又修沂河西岸梅家墩口隄。十一年十二年加築沂河兩岸長隄。三十二年又修馮家等莊隄。工小沂水源出費縣西北聰山。東南至

蘭山縣入於沂。古名治水，亦名武水，又名沒河。漢書地理志：南武陽冠石山，治水所出。注：應劭曰：武陽縣武水所出。水經注：治出南武陽冠石山，卽應劭所謂武水也。東流逕蒙山下，又東南逕顛臯城北，又東南經費縣故城南，俗亦謂之小沂水。又東南徑祊城南，又東南注於沂。齊乘：小沂水出蒙山西，東過費縣，神山納祊水，南至沂州西，又分爲涑水。涑水自州城西，小沂自城北入沂。祊河東入於小沂水，其支分曰涑水，皆沂州西入於沂水。涑水支分曰陳河，亦名元孝河，亦名池頭河，在郯城縣西四十里南。宋慶曆中，沂州修城碑云：大小二沂環流外轉，而小沂尤湍於西北。平日波紋清淺可愛，及山水至，如百萬陣。

江北運程

卷二十五

卅

馬摩壘而來，謂此水也。

洵按水道提綱述沂河詳下卷駱馬湖條。

江南運河廳冊：徐

塘口河上承盧口沂河分派來源，由官河橋達徐塘口入運。年久淤淺，嘉慶八年總河吳璣總漕吉綸奏請開段挑濬，長一千一百二十五丈。舊運河自徐塘口起至東隄頭池上河尾止，河長三千六百丈。因山水噴注，浮沙停墊。康熙六十一年，總河齊蘇勒題請另挑新河，長一千八百五十丈，留舊河爲囊沙之地。每逢春旱，堵截舊河，抵水由新河行走。二郎廟水口，洩隅頭湖水濟運，坐落舊河內。康熙六十一年改挑新河於此築埧，每歲秋閉春開。嘉慶十一年淤閉。邳州志：康熙三十八年，總河于成

龍上言沂河由沂郟而入郟境水從盧口分流出徐塘口而入運河其正河至隅頭集徑入駱馬湖凡遇水發瀾漫兩岸淹沒田廬兩岸應築隄一萬八千一百八十丈盧口寬八十丈應建廂啟閉報可是歲隄成三十九年總河張鵬翮疏以盧口沙底不便建廂嗣後沂水屢漲舊隄毀壞自乾隆七年至十二年次第補修十三年復一律加培計工一萬六千八百十九丈八尺二十一年又於盧口沂河分流處築碎石埧長七十二丈二十二年又於兩頭接長分北埧長七十八丈南埧長五十五丈中砌滾水埧橫長三十丈寬十五丈俾伏秋水大七分由沂河歸

江北運程

卷二十五

三

駱馬湖三分歸徐塘口達沙家口入運十餘年後旋被衝塌三十年總督並河漕諸臣題請復砌中留金門五丈挑深三尺底與沂河一律每歲冬閉春開以施蓄洩轉漕衡湘筆記未刻過河成廂月河在廂東地名徐塘口俗又名新河頭江南通志河成廂雍正二年建兩牆各長十六丈四尺高二丈七尺六寸金

門寬二丈二尺廂旁月河一百三十八丈

倘按河清河定河成三廂皆總河齊蘇勒

建

江南運河廳冊邳運汎河成廂一座在徐塘口下金門寬二

丈二尺高二丈七尺六寸砌石二十三層雍正二年建嘉慶十八年拆修原挑越河長一百三十丈嘉慶十五年改挑長二百

七十四丈五尺。全漕運道圖。邳州河成牖。自河定牖至此二十八里。江南通志。康熙六十年。濬徐塘口。漕運全書。沂河之水。正流直達駱馬湖。旁流由蘆口。埧池。下分注沙家。徐塘。二口。入運。從前口門寬百餘丈。邳境多淹。乾隆二十年。將石埧裏頭接長。留口門三十丈。埧底填以碎石。於是沂水多半歸湖。濟運者少。三十年。奏准。嗣後運河水小之年。應將埧底碎石。創開五丈。並於埧南河中。修做草埧。攔截沂河之水。悉由沙家。徐塘。二口。濟運。并將此埧。責成運河廳營修守。地方官一同照料。河渠紀聞。乾隆十二年。大學士高斌。會同東撫阿里。袞。奏請修築沂河隄。

江北運程

卷二十五

五

堰以除水患。按是時疏築蘭山。郟城。河道。隄堰。開濬。郟城。柳壩。二河。建蘭山。江風等口。石工。各工。並舉。分水受水之處。無不統治。沂河發源。遠而水急。受諸山之水。匯流南下。勢如建瓴。蘭山江風口。俗名夾縫口。尤爲喫緊。隄岸坍塌。每遇汛漲。洶湧。分行兩道。南入沂河。西入武河。實爲全河險隘。沂河西距武河僅數里。武河西距燕子河。再西而芙蓉河。皆十數里。數里不等。三河舊有隄堰。當春水涸。一綫淺流。夏秋暴漲。卽與三河溢水相連。至是奏請修築。東岸自高莊起。至郟城交界。觀音堂止。長八千五百餘丈。西岸自埠東起。至郟城交界。孚家莊止。長九千九百

四十餘丈。蘭郊等縣各開溝渠四十道。上源下委無不貫注。經始於本年四月。至下年二月畢工。東撫準奏奏定善後章程。稱蘭山鄰城二邑處沂河下游。每遇沂漲。橫潰四溢。境內田廬受害。高斌阿里袞等先後履勘。相度機宜。請建埧築隄。並挑浚柳青壘兩河。以除民患。不逾年而工竣。嗣後隄堰殘損。河道淺塞。責令各縣督率民夫。隨時修浚。至碎石工程。非民間所能辦理。應就近交河員兼管。沂河土石隄埧。並柳青壘等河。責令各縣丞查勘。二河原係分洩田間坡水。每當汛漲。水過沙停。漸至淤塞。應令縣丞。凡遇大雨後。前往查勘。一有淤塞。集夫疏浚。仍於

江北運程

卷二十五

七

秋後水涸。照業食佃力例。督率挑濬。使積水不致淤滯。江風口各石工。專人巡守。以期永固。凡以爲民計安全。而善後周密如此。沂無不治矣。柳清河。卽小沂水。源出郟城茶茅山。後雲白湖。至老莊。匯小沂。墨河。卽阜河之源。色如墨。在舊城東北。明時土人以此水能毒禾稼。用鐵鍋壓塞泉源。至是開濬。皆所以治沂而疏其旁通之路。不特東省有資。宣洩鄰境水滂攸關。交匯曲注。無不安流。二百餘里之田舍間。井成樂安土矣。江南通志。馬莊廂十五里。逕貓兒窩。又二十五里。逕徐塘口。邳州漕運自東來會。尙按萬里雲程。以河成廂爲第五十六廂。並云卽新河頭。

明張國維請濬徐塘口疏行水之遙疏其上游則可以並濟
下流而去其壅勢使然也邵宿運道原有沂水一支發源於
蒙陰今沂水經沂州郟城而南流於駱馬湖以濟運自運道
不經駱馬由傍水一小支從嶧頭集入迨長山口洪嶧頭水
出口口遂爲黃流倒灌成淤全流俱空趨駱馬矣宿遷於薛
家口馬胡店兩處引沂入運然但濟宿遷而上不能挽流溯
邵也以故邵之梁王城萬莊貓兒窩馬莊等處一經曠乾在
在報淺奈何以如許名河竟無裨輸將之涓滴耶因遍考河
志見有邵河涸不得不賴蒙沂之泉之夾而察前科臣宋之
普條議亦謂駱馬下流淤塞全沂之昏墊彌深曷若疏以入
運使運敗其利而沂治其害臣因躬詣沂河見其水浩渺不
減南旺之汝河而入運者曾未一二再勘嶧頭集出水處濬
復不難然界在邵宿之交濬之亦止濟宿而邵毫不得其用
也不改從上游不可而爲下不因又忍力難而費鉅察徐塘
一口其流雖細實從沂水分來而據邵之上流者也於此疏
之濬之所謂事半功倍者又盧家口分流下官湖橋尙多淤
陔徐塘出水之渠亦覺淺窄併濬深闊則濟全邵之涸并可
益宿遷之深而邵與宿三分其流以殺奔趨駱馬之勢不第

江北道程

卷二十五

黃

漕得其利并可減全沂之害洵一舉而數善備焉倘按疏見
長瀾崇禎十四年時任總河國朝張鵬副查看盧口情形
疏據前河道總督于成龍疏稱羅溝河卽名盧口發源東省
雲蒙諸山各澗匯流而成沂河由沂郟入郟境水從盧口分
流出徐塘口而入運河其正河至嶧頭集徑入駱馬湖凡遇
水發瀾漫兩岸淹沒田廬沂河南岸應築隄長二萬八千一
百八十丈盧口寬八十丈應建廂以資啟閉則郟州兩岸之
民可免沂河漲漫之患而此水之由盧口分流者仍入運河
濟運誠爲兩利等因臣到任後行據員外王登魁等詳稱沂
河水勢原有七分入盧口由管河徐塘口等處流入中河
南下濟運有三分由沂河流入垣頭集歸宿邑駱馬湖從西
甯橋引河經桃源沐陽安東入海此向年兩分之水勢也近
來如遇水發宿邑民田尙且受災若將盧口一帶建廂攔截
恐水多由宿境歸駱馬湖未免湖水泛濫關係宿遷桃源安
東沐陽之田畝不無顧此失彼之慮備敘原委具覆到臣臣
隨由貓兒窩至盧口察看沂水至此分爲二派一由正河東
流入駱馬湖一直趨盧口東南流出徐塘口入運河盧口面
寬八十餘丈水勢急湍河底積沙詢據郟州居民戴題名等

稱自順治十六年衝開此口。水大之年被其淹沒。須築堤閉塞。方免水患。及詢盧口東岸宿遷縣居民戴天祥等。則稱若堵塞盧口。則沂河東岸全被淹沒。此二處之民各執偏見。以利於此者。又不利于彼也。該臣看得邳州民劉三靈等將盧口受患情形叩關一案。先經前河臣于成龍等疏稱。沂河兩岸築隄。盧口建牕。可免漲漫之患。部議令河臣親往確查。臣到任後。委官踏看。若將盧口一帶建牕築堤。恐水多歸駱馬湖。未免湖水泛溢。關係挑安沐之田舍。有顧此失彼之慮。臣復率廳州等官親往盧口查看。沂河兩旁隄岸殘缺之處。溜急且係沙底。不便建牕。應於盧口河兩旁。隄岸殘缺之處。修補一律束水入徐塘口。既可濟運。又使民生得所。倘按此疏。在康熙三十九年。高晉李宏疏查邳州宿遷運河。本年霜降後。水退稍遲。近因上游東省運河築堤興挑。下游水落。臣李宏督同該管河道廳營。上自邳州河成牕。下至宿遷砂。壘溜尤家灣等處。逐段查勘。按水勢淺深。定應挑尺。寸插立號。概確切估計。總以河底水深五尺為度。運河廳應挑二段。估銀一千四百餘兩。較往年改撈為挑。工段丈尺加多。而按以河底淺。

江北運程

卷二十五

五

深尺亦均屬急應挑挖之工。所用銀兩。歸入明年庫貯。奏銷所估工段。定於臘月十日興挑。明正開印。前完竣。倘按此奏。在乾隆三十三年十二月十六日。時高任江督李任南河。

十里右岸三岔河州

水程細數單。三岔河在運河西。有汛水道提綱。徐塘口。又南至貓

兒窩北。有二水自西南合而西流注之。水出河北岸山。東北流六十里有小水出舊邳

州西北者自南來會東入運

國朝阿桂等疏邳州境運河東岸有盧口。垣徐塘口。沙家河黃道入橋等處。亦承沂汶諸水入運。其給事中管幹珍所奏。三岔河在邳州城北。乃艾山河。不能歸湖。亦由沙家口入運。各水口河道。現俱通流。間有淤淺。止須責令兵夫撈挖。毋庸大加挑辦。至沂河河身徑直。山泉陡發。騰湧入運。消落甚速。是以邳境運河。稱沂河為答水。全恃微湖為來源。倘按此疏。

在乾隆五十年十月三日

十里。左岸貓兒窩州

永程細數單。貓兒窩有汛。江南運河廳冊。邳運汛。新安司巡檢

一員。直河司巡檢一員。把總一員。協防一員。管堡夫十四名。兵

一百名。清成定三廂廂夫九十名。新安司管匯澤廂廂夫三十名。直河

司管汛地自黃林莊起。至貓兒窩止。兩岸無隄。計九十六里。東岸

自貓兒窩北首起。至窯灣宿遷汛交界止。隄長四千四百七十

三丈五尺。貓兒窩上興隄頭滾水大埧一座。康熙二十二年建。

久經衝塌。西岸自唐宋山起。至貓兒窩西隄頭止。格隄長三千

江北運程

卷二十五

美

一百八十八丈。內郭家馬路於乾隆十三年建。石戩工長一百

九十丈。又接格隄尾起。至窯灣宿遷汛界止。隄長四千四百六

十一丈。一統志貓兒莊在邳州南運河東岸。亦名貓兒窩。有州

同駐此。明神宗實錄萬曆三十九年四月。工部侍郎劉元霖御

史蘇惟霖言。沭河有貓窩一淺。爲沂下流。河廣沙深。不可以牖

最爲沭患。今觀河沙口門。兩讓箭許。掘一月河。洄流卽清。宜於

此下二里許。仍西掘一月河。以通沂口之月河。凡水挾沙來。河

性直走。有月河以分之。則洄伏之處沙所必備。就此二里特加

撈刷。比歲修十五丈之河。難易較然。而沭患可減矣。依議行。一

統志貓兒窩滾水坝。在邳州南運河東岸。康熙二十二年。建江
南運河廳册猫兒窩馬莊萬莊三處。康熙二十七年。建竹絡埭
三座。宣洩隅頭湖水。濟運。歷久衝廢無存。一統志房亭河。在銅
山縣東。洩河北諸山泉積澇。分二支。一逼吳家窯荆山河口。一
由王家林東西灘過賀家口。入邳州境。歸猫兒窩濟漕。乾隆一
十三年。濬邳州志黃墩河。出自南旺湖。由徐州荆山口至全河
汴塘入邳境。歷彭家河分成子河。歸沙溝湖。至猫兒莊入運。一
統志彭家河。卽黃墩河。在邳州運河西南。自微山湖下游從荆
山口至全河汴塘入州境。蓮教社分成子河。歸沙溝湖。東流至
江北運程

卷二十五

七

新河口入運。乾隆二十二年。濬江南運河廳册彭家河。上承荆
山橋河房亭河來源。匯歸達運。久淤漕運全書江南境內運河。
自黃林莊交界至楊莊運口。計程四百餘里。內宿遷境之阜河
以下隄岸本高。雖漫水下注。而分洩之路較多。漕船易於緯輓。
惟自邳州境至猫兒窩以上。向無緯隄。伏秋水漲。河泓莫辨。應
創築緯隄。收束水勢。其水口寬深之處。撥船渡緯。並於邵家水
口至何家水口一帶。河流散漫之處。建築草埧。約攔水勢。逼刷
河泓。重運北上時。卽可藉通緯輓。

國朝甘家斌疏江境籌備之端。有急須覈辦者。如猫兒窩等
處古淺宜挖也。嘉慶十五年。巡漕臣吳邦慶具奏。邳宿挑工。

諭

會奉有河淤不除則將來高仰日甚之

是淤有三四尺若非挑空竊恐間段高仰必俟上下游多費蓄水八九尺或一丈乃使該處增深五六尺不惟瀦蓄需時兼虞敢放易耗磨淺起剝究將難免宜趕緊籌辦庶微湖收水縱使稍形缺額來年仍敷挹注倘按此奏在嘉慶十八年七月二十六日時以給事中巡漕黎世序疏江境邳宿運河每年經上游蒙沂山水漲發挾沙下注最易淤淺定例於回空幫船過竣確估與挑以備次年重運本年八月奉

上諭

據甘家斌奏貓兒窩等處古淺處所間段高仰飭令照例挑挖無致淺阻欽此茲回空幫船過竣即應照例估挑查本年微湖水僅五尺來年重運不敷挹注在東河臣戴均元知會東省現在佑挑運河照向例加深一尺俾湖中底水暢出江境運河自應一律加挑方免上深下淺至邳宿汛貓兒窩等處古淺

每年照例挑深因河身寬闊水至尤易停沙見淺今確切籌商惟於各段格外加深一尺以多挑尺寸備來水停沙臣督飭查估計間段估挑長一萬二百九十二丈連東境可風橋支河例歸江省挑工及黃林莊應築大垵各支河口應築攔

江北運程

卷二十五

亥

填共估銀四萬八千八百餘兩本年節氣較遲時日尙寬可以督飭各工員從容挑辦挖出之土遠送兩岸不致雨淋仍御入河工完會同巡漕臣陸泌詳細驗收再為鋪水以杜弊混而利漕行至運河古淺於每年挑後即築東水挑水各垵以資擊蓄攻刷現當錢糧支絀臣恐工員藉端開銷糜費飭令緩築俟鋪水後察看情形再為酌辦以歸覈實倘按此奏在嘉慶十八年十二月九日時任南河

十里

左岸馬莊集邳有匯澤牯河

一統志馬莊集在邳州東南運河東岸又貓兒灣又南有馬莊

垵馬莊之南有萬家莊垵俱康熙十九年建又上下竹絡垵三

康熙二十七年建窰灣竹絡垵一康熙二十九年建俱洩運河

之水由隅頭湖入駱馬湖江南運河廳冊馬莊萬莊減水磯心

石牖二座。金門各寬十三丈五尺。康熙十九年建。備洩運河異漲之水。入隅頭湖。以達駱馬湖。內馬莊牖臨湖一面。乾隆十三年。砌碎石。截工長一百八十三丈。此二牖。歷被山水衝刷。牖石磯心。均經塌卸。轉漕衡湘筆記。申刻過匯澤牖。月河在牖東。地名馬莊集。恂按。萬里雲程。以匯澤牖爲第五十七牖。江南運河廳册。邳運汎匯澤牖一座。金門寬二丈二尺。高二丈六尺四寸。砌石二十二層。乾隆五十二年建。越河長二百丈。每歲秋冬築埧蓄水。嘉慶十七年拆修。

上諭該督等從前奏准於邳宿運河貓兒窩以下添建石牖二座。收

江北運程

卷二十五

五

蓄水勢。上年因建牖遲緩。以致水無擎托。不敷浮送。重遲今二牖已經建成。是否於束水有益。若因運中河一帶路長。河水流行。迅速。兩牖仍不足擎蓄。該督等不妨將實在情形。奏明於兩牖之外。再行酌量添建一兩牖。以資收蓄。欽此。查運中河邳州境內。已有河清。河定。河成三牖。宿遷境內。上年於貓兒窩。迤下又添建石牖二座。完工後。詳加相度。束水實屬有益。今歲山東尙未放水。俟來水鋪足。再加察看。如果河水流行。迅駛。兩牖仍不足擎蓄。尙須添牖。再當據實奏明辦理。尙按此奏。在乾隆五十一年二月四日。李世傑李奉翰疏前奉諭旨。當經前督臣陸載會同覆奏。再加察看。如果河流迅駛。兩牖不足擎蓄。尙須添建牖座。再當奏辦。本年空重漕船經過。邳宿運河。雖無阻滯。而明年重運。亟宜籌備。查今歲微湖存水。比往年較小。將來下注。無多。更慮東省八牖。關閉。江境自河成。牖下至楊莊。運口地勢。建低。河流易洩。上年貓兒窩。迤下所建利運亨濟二牖。本年重運。回空上下。啟閉甚爲有濟。臣留心察看。二牖束水。雖已有益。而河長水迅。尙不足以資擎蓄。臣等悉心籌度。運中河內情形。稍異。中河地勢。平行。水有停蓄。運河地勢。高下。洩瀉甚易。且上段浮沙。流注下段。砂礮古

淺挑撈無濟於事查河成插至利運插七十里擬於中間馬莊集添石插一座又亨濟插至宿汛坡墩二十五里添石插一座則上下節節關鍵按時啟閉操縱由人自更有益仰懇聖恩俯准添建容臣等委員確估辦理惟時屆深冬距重運至時為期不遠已將兩插需用石灰椿木等料委員購辦恐採運不及擬於建插地方挑越河一道俾新漕到時由越河行走其插座督令如式趕造務使灰漿乾透結實即不能於重運前辦竣倘能於回空時接濟不使稍有遲誤仰按此奏在乾隆五十一年十一月杪疏入十二月杪奉

硃批如所議速行莫復似昨年誤事也 季奉翰疏邳宿桃清運河自清定成三插下至楊莊運口三百餘里地勢建低河流易洩乾隆五十年亨濟利運二插建後前歲冬復奉諭旨兩插不足以資擊蓄令臣與調任督臣李世傑相度情形奏明添建當於河成插下馬莊集亨濟插下坡墩各添建石插一座工完相機啟閉操縱由人今重運經臨察看上下水勢幫船浮送有餘所有新建兩插仰懇

天恩敕賜嘉名以垂久遠倘按此奏在乾隆五十三年四月杪疏入五月八日奉

江北運程 卷二十五

今

每馬莊集插賜名匯澤坡墩插賜名滌流 吳璫疏邳宿運河舊有匯澤滌流亨濟利運四插惟邳境匯澤插形勢最順業已挑通兼可蓄水接濟其滌流插久已損壞亨濟利運兩插底較高修費稍繁不如仍由越河行走為順是以未經估辦現於各插上下築做束水柴埧足資收束水勢倘按此奏在嘉慶九年正月既望 李亨特疏復查微湖關係東南兩省漕運江河之水既屬彼此相需則宣節機宜亦當上下交濟臣於湖省河道插垣情形未能深悉本年駐劄韓莊北至夏鎮南至臺莊往來三月有餘凡邳宿運河事宜隨處咨詢確知添建插座既節湖濬亦利漕運不敢不據實陳奏查邳河設插原係因地制宜因時調劑以冀蓄水浮送幫船入境邳宿河道自河成插至利運插六十八里中設匯澤一插地勢建低河長插少重運經臨時形淺滯起剝築埧歲習為常上年松筠利彭齡查勘邳宿運河插座覆奏聲敘向有盧口等埧儲蓄沂蒙沙河諸水放放濟運尚未全賴微湖浮送等語係就從前駱馬湖未曾受淤而言今已淤墊高仰不能多蓄湖水濟運本年雖據江南督臣等奏稱疏導各處水口助濟漕行其實沙家口柳圍頭等處啟放數日因出水甚微轉有淤沙

噴入運河旋即堵閉仍賴微湖接濟浮送全漕蓋因韓莊廂高於黃林莊四丈二尺餘寸水性就下八廂無日不礙板於船即水勢無日不遞塘下注上游汶泗來源及湖口廂常川宣放之水若非於漫板敢放時匯注江境實無旁洩之處五月二十九日臺莊一帶甘霖大沛大泛口水勢暴漲江境河流驟長委員探量濼流廂至利運廂水深七八尺不等利運廂至匯澤廂水深六七尺不等而幫船經過過三壩河等處淤淺仍須起剝前進似此情形即微湖將不復通境河道鋪水至六七尺外而各處淤淺亦不能無阻此地勢建飯水難停蓄非建廂鉗束別無善策也且刻下湖口廂誌椿應存水四尺二寸湖心祇深一尺四寸有零該湖存水愈少則收水更難足額邳宿需水愈多則存水更難敷用上年多放之數卽本年少存之數微湖水短之由固由東省兩澤過稀亦因十六七年邳宿用水太費如於匯澤廂上下扼要處添建石廂二座則湖水既受樽節之益而船行亦免起剝之遲實於河務漕運兩有裨益議者或謂汎水盛漲建廂恐宜洩不及或謂土性沙鬆建廂恐基址不堅不知有廂卽有月河果將月河挑空寬深汎期開洩何致壅遏若謂土性沙鬆何

江北運程

卷二十五

全

以該處向建廂座俱屬穩固况建廂原需築基釘椿以資堅實是宣洩不及基址不堅皆江省不願建廂者之藉爲說詞而並非實在情形也臣仰邀

昇任東

沛至南河工程原不應越俎代謀惟近年邳宿河道專賴微湖挹濟而現在是湖存水之少收水之艱早荷

聖明洞鑒

雖刻下甫交伏汎爲日正長定可甘澍優沾廣資儲蓄但雨陽全係天時而節宣實關人力此時江境建廂之舉實係節水利運要務而又人力所能爲者臣是以謹就管見所及恭摺具奏倘按此奏在嘉慶十八年六月二十六日疏入七月三日奉

上諭

李亨特奏江省邳宿運河亟應添建廂座以節湖漕一摺運河設廂原因地勢高下不一以爲節蓄塘水之用江境匯澤廂一帶河道年年淺滯由路長廂少不能多蓄塘水所致前經降旨令百齡黎世序詳查該處形勢如道里縣長地勢陡直酌添二廂或四廂並將江境舊有六廂年久損壞者全行修復以期收束得未據該督等查覆具奏今李亨特又有此請著百齡黎世序遵照前旨詳細履勘酌覈興辦勘定後卽迅速先行覆奏 阮元邳宿運河宜增二廂疏竊查糧船行至邳宿運河年年剝淺一入山

東境內如韓莊廬雖地勢更陡而歷年通行並無阻滯推原其故由於東境七十餘里之中遞建八廬而江境三百餘里祇建六廬廬多則塘深水省廬少則水淺沙停臣前過邳宿時虛心體察博訪輿情皆以為匯澤廬之上下宜添建二廬

敕交百

齡等查辦伊等自必據實陳奏但其中情形利弊臣既有所聞不敢不為我

皇上陳

節費手大約按塘一月可竣者剝淺必月平方竣加以在南既阻則到北遞遞重運既難則回空或誤近年邳宿運河部

臣督臣漕臣河臣御史章奏頻仍

皇上復

諭旨及諸臣奏摺積之豈止盈尺雖

皇上萬

勞永逸為是今若於匯澤廬上下添築二廬則全漕可免剝淺之遲早出江境一日即早抵通垣一日早得建廬一年即

聖慮一

早速全漕一年庶不致以常年應辦之事節次上煩

江北運程

卷二十五

全

酌量起剝此外皆應揚帆直達例不容有起剝之事連年黃河衛河剝淺尚屬年有年無獨邳州貓兒窩窰灣等處竟視起剝為例內之事近來各省運丁簽派愈難逃避愈甚造船運糧工料倍蓰於前運丁例得錢糧僅敷用度十之三

國家經費有常安能事事津貼各省州縣若議加津苟非加收

累民必致更虧倉庫是以全賴卸養丁力俾得勉力奉公轉輸無阻上節國帑下紓民力乃邳境起剝通漕計費每年須

十萬兩以外其剝船偷竊折耗卸貨虧損者又不下數十萬兩且上或雨淋下則水滲一經微變累及一船而疲乏之

甚或因剝費無出私將正供偷抵到通短米則又使水攪和收買回漕種種弊端皆由剝米過多而起又旗丁帶貨原令

藉沾餘潤以補錢糧之不足近因邳宿水淺一切貨物不得不多為截賣且以貨價抵給剝費是例不應有之剝費既益

其所本無而例所應有之貨價又耗其所本存裏虧外拆丁力安得不疲且京師物價昂貴亦未必不由於此今若添建

二廬如遇水勢不足即便蓄養深通如遇盛漲驟來例由月

河行渡照例鋪水五尺有何多論兩省行所無事儘可安詳數年之後水力丁力能似乾隆年間寬展米色米數庶可保

聖意所

矣一建廨供費實省可節河工正格也議建二廨不無所費
然果覈實何致過多山東現造一廨不過八千餘兩况此廨
既成則常年邳宿諸項大可節省近年以來因邳宿一帶水
淺節節加築草坦攔蓄至數十處之多攔河坦抄手坦對頭
坦挑河坦等名目不一而足臨時則多購土方事過則聽其
塌卸大約挑土一段出河萬石者一隄之基即又入河數千
不是下年所挑之土卽上年所築之隄挑既費又入河數千
搬運輓轡愈形壅墊南河道應利築草坦以爲年年開銷地
步是以藉口古淺皆不願有添廨之事多方阻撓今若合數
年草隄之資爲一年在廨之用所費有定而所省無窮但須
溯查近今五年之內邳宿挑挖土方築做各坦工料每年工
部報銷若干萬兩五年共報銷若干萬兩其款費孰省便較
然明白矣臣所謂似費實省者此也以上三條臣再四思維
博加訪問千人共見萬口同聲皆以爲今昔情形不同因地
制宜利添二廨恰符

江北通程

卷二十五

奎

不如前今年匯澤廨六月得雨上下游皆深至五六七尺惟
此中間二段水淺不足三尺幾至剝盡方行待至過淺之後
在河在漕之人若皆以能出江境爲慶幸者此蓋明年湖水
縱多亦須起剝之明驗而預現於今年者也再前二廨座如
定議添建無難於來年重運前趕辦完工該處地面雖係浮
沙下掘卽皆堅土若添廨束水更收束水攻沙之益今已將
秋時日迫促臣職司漕運有所見聞不敢不直陳於

聖主之前

諭朕前因糧艘行至邳宿運河年剝淺一入東境卽少阻滯推
原其故由於東境七十餘里遲遲年卽而江境三百餘里祇有六
廨水勢不能停蓄是以逐處淺澀特降旨交百齡等於江境運河
扼要之處或添建二廨或添建四廨以利漕運酌議具奏迄今已
月餘尙未據該督等覆奏昨因李亨特專摺奏陳又降旨飭催本
日復據阮元奏該處急應添建廨座所論甚爲通暢邳宿一帶每
歲水淺加築草坦攔蓄臨時多購土方事過又聽其塌卸下年所
挑之土卽上年所築之坦南河官員利於每年挑土築坦以爲開
銷地步一經建廨水蓄舟行無可藉口遂多方阻撓不願修辦其
實添建一二廨座所費無多而年年挑築工需轉可節省况廨座

實添建一二廨座所費無多而年年挑築工需轉可節省况廨座

築成水有停蓄重運經行不須起糾則米石不致折耗旗丁重省勞費其益更夫此事不可再有因循著百齡等接奉此旨查照阮元等所奏匯澤臚上下貓兒窩窯灣地方擇扼要處或建二臚或建四臚勘估興工不必奏報待覆又稽時日並令委員覈實修築務期啟閉得宜限明年重運未到前二月一律工竣該督等查驗報銷勘定後先行繪圖貼說將辦理情形迅速由驛覆奏阮元摺著抄寄閩看百齡黎世序疏六月初四日准軍機大臣字寄奉上諭據阮元奏江南等處年年剝淺處總在河定臚以下利運臚以上之貓兒窩窯灣等處一入東境至韓莊臚地勢較貓兒窩等處更陡歷年並無遲阻剝淺之事實緣東境七十餘里遞建八臚而江境三百餘里轉祇六臚多則塘深水脊臚少則水淺沙停等語該漕督以貓兒窩等處年年剝淺係因路長臚少不能多蓄塘水所致著百齡黎世序詳查該處形勢是否尙應添臚如地形陡直水勢不能停蓄或道路縣長收蓄不能得力於扼要處所添建二臚或四臚亦無不可但須於濟運有益方不虛糜若於事無濟或轉增勞費亦不可遷就從事至江境舊有六臚屢經漕臣奏稱年久損壞請勘修復並著該督等詳查此六臚會否全行修復如式現在啟閉能否得力足資擎托事關漕運河渠該督等務詳慎

江北運程

卷二十五

倉

酌覈據實覆奏欽此查邳宿運河共長三百餘里止建七臚東境運河長七十餘里卽有八臚以河道短長與臚座多寡彼此相換判然迥異漕臣所奏臚多則塘深水省臚少則水淺沙停不爲無見伏思設臚原爲蓄水行漕前人創制自必講求周備何以東省七十餘里遞建八臚而於江境三百餘里轉止七臚必因兩省情形不同卽使今昔異宜亦須考覈確實始不致損益失當隨飭徐州道王逢源督同廳營詳議據稟查明地勢河形實難輕議添建等情當又飭委在工四十餘年最爲熟諳之參將劉重覆勘稟亦相同適臣等在邳宿境內趨催重運會同勘覈並查成案洵難添建緣邳宿運河舊制惟接壤臺莊臚下建有河清河定河成三臚其河成臚下利運亨濟二臚係乾隆四十九年奏添迨五十二年於河成利運兩臚適中之馬莊集及亨濟臚下坡墩地方添建匯澤潞流兩臚嗣據

欽差查勘均未於七臚外再議添建而歷屆重運回空從無貽誤此卽毋須添臚之明證今漕臣所奏專爲河成臚下貓兒窩等處古淺冀添臚座可以蓄水俾行漕得免剝淺查河成臚下匯澤臚上適中之所地名莊家樓地勢最爲建筏且當蒙

江北運程

卷二十五

金

沂山水下衝為流沙易集之所若於此處添牖河勢既多灣
 曲河面又極寬闊每屆蒙沂山水漲發各支汶山泉匯流挾
 沙下注至此河寬之處已患停積若再添騰流沙至此為之
 停頓開板則水停沙積啟板則水去沙留難減撈沙剝淺之
 煩轉增提溜打牖之累損多益少勞費徒難且試探河運牖
 係砂礪難於簽椿建牖是河成牖下既不能添建而利運牖
 至濼流牖百餘里內河勢一律平衍即添牖亦不能得力且
 近年亦不甚淺似更無庸置議至於流沙為患檢查康熙暨
 雍正間治河各書及奏報各案每年疏挑撈濬重運經由起
 剝磨淺時所不免可見淤淺並不始於近年即如東省牖座
 雖多而每歲運河挑工亦不能省並設有撈沙船隻漕行淺
 處仍須起剝亦不僅江境運河多有淤淺也總之江省地勢
 情形與東境迥異東省運河專至蓄水故河身宜窄並須多
 設牖座節節擡蓄至汶泗山水驟發運河兩岸有南旺獨山
 昭陽微山等湖為之收蓄容納應患水少不患水多江境運
 河自河定牖以下有沙家口徐塘口為蒙沂山水出路每伏
 秋水長駱馬湖未能多容須由運河暢洩且流行不及有漫
 牖之事若多建牖座必致壅遏是東境運河專至蓄水江境

恩深重

皇上睿

運河蓄洩兩兼收蓄太甚亦復利害兩關是以每遇水勢淺
 遲即築堤擡蓄一經盛漲即拆堤暢流因地制宜行之已久
 但使微湖蓄水充尼鋪水常符黃林莊定制即古淺處亦可
 暢行毋庸起剝若鋪水未足江境別無來源則河道挑深鑿
 至山骨勢難將南北高下之地勢轉而使平且邳宿運河置
 造剝船豫備剝淺係從前奏辦相沿已久今漕臣奏請建牖
 免剝為恤丁起見臣等受
 敢不設法利漕恤下將歷年積累全除無如江境上承東省
 挹注不能自開來源而地勢建飯流沙旁集天然形勢不能
 更易前人創立規制又不敢妄事更張前此運道艱難海陸
 兩運之說紛起幸賴我
 謀宸斷悉屏浮言仍遵舊制年來運道稍通渡黃抵通並無
 稽阻祇以今年微湖水勢偶絀經臣等竭力籌辦起剝償挽
 較前有早無遲於漕運原不能求備於旗丁亦不致甚累如
 果添牖確有把握斷不敢惜費畏難遷延不辦若於地勢河
 道情形未能有益亦不敢遷就從事徒增勞費再四款商邳
 宿運河惟有循舊每年冬底查明古淺工段實力估挑黨遇
 沙淺隨時築堤蓄水衝刷尤以微湖蓄水為第一要務湖漕

收蓄充足即可照例鋪水挹注充盈自不致於淺阻完舊有各牘除亨濟牘本不得力毋須修理此外均經修復完竣已於三月入奏惟利運牘損傷無多本年先將淤墊越河挑過并量加修補暫濟目前現在重運渡竣復飭該管道廳確勘趕辦以備來春重運經行倘按此奏在嘉慶十八年七月十三日疏入奉

上諭百齡等奏詳查邳宿運河牘座礙難添建一摺江境邳宿運河節年淺阻朕意該處河道長牘少水勢不能停蓄以東境七十里河道遞建八牘比量參觀或應添牘數處以節水勢是以降旨令該督等覈議適阮元繼有此奏語相符合復有旨飭令速辦今據該督等查明地形土性多有窒礙添建無益徒滋糜費自係實情朕辦理庶政惟求一是從不豫存成見今邳宿添建牘座並非必以阮元之言為然該督等既確有所見即從伊等之議停止辦理總期漕艘年年經行無滯無庸遷就迴護也又疏阮元等前將江境運河與東省情形互異礙難建牘據實覆奏嗣因東河臣續行條奏奉

旨飭查茲又欽奉七月初六日上諭並漕臣原奏一件仰見我

江北道程

卷二十五

矣

皇上垂廬漕渠先機指示威佩惶悚莫可名言伏思臣等前往確勘因河成牘至利運牘適中處或兩岸均係沙灘或河底本有砂礮建牘簽椿既屬不易又與漕運不能有濟徒費錢糧是以奏明毋庸添建今漕臣奏稱邳宿運河添牘可免幫船起卸不致米色米數虧折並可免州縣津貼不致加收累民兼省築堤挑河之費果能如此於漕河兩有裨益而從前積弊又均得剔除實為臣等至願臣黎世序現即往勘於河成牘趕緊初建限於來春重運北上時完竣不任稽誣並將勘定估建情形繪圖貼說另摺具奏倘按此奏在嘉慶十八年七月望疏入是月二十一日奉

上諭百齡等奏邳宿運河應添牘座現在覆勘趕辦一摺江境邳宿

運河年年淺阻漕船經由必須起卸前據阮元陳奏請於扼要處所添建牘座俾水勢得資停蓄則重運無煩起卸米石不致折耗在旗丁勞費可省而河工亦省挑土築堤之需據其所論於河漕裨益良多是以降旨令該督等趕緊興辦但添牘固可節宣水勢必須詳察地形土性方可經久今該督等奏稱兩岸均係沙灘河底本有砂礮建牘簽椿甚屬不易則該處情形既與東境互異從

前八未設牐此時若強爲添建目下多費錢糧將來淺澀起剝仍
然如故豈不徒勞罔益阮元初任漕督於該處利病亦非閱歷深
習者該督等惟當虛衷詳覈期於公事爲重不可以阮元先有此
奏豫存意見勉強就地勢不宜處建牐明年用之無濟藉以杜阮
元之口卽阮元前奏有河員惟利每年挑築爲開銷地步之說其
言雖亦情事所有亦不可爲此言所脅遂不敢稍有異同事當謀
始該督等身任其責務當屏除私見盡心爲公應建與否斟酌盡
善若添牐實能一勞永逸明歲若有成效不特建議之阮元深堪
嘉許該督等和衷共濟亦即可邀褒獎設糜費帑金終歸虛擲該
督等亦斷不能委過阮元卽可卸責勘定後仍迅速由驛覆奏

又疏臣等欽奉

諭旨遵

將應添牐座馳往覆勘起辦先行覆奏臣黎世序卽赴邳宿

運河督同道將暨廳汛等於貓兒窩窰灣一帶詳勘查自河
成牐起下至匯澤牐止計二十八里中爲貓兒窩河面寬闊
古淺居多今定於莊家樓適中之處添石牐一座卽請名爲
莊樓牐又自匯澤牐起至利運牐止計三十七里中爲窰灣
本年該處雖無淺阻但上下兩牐相距較遠應於窰灣適中
處添建石牐一座卽請名爲窰灣牐計此六十五里有牐

江北運程

卷二十五

全

五座足資擡蓄所添新牐兩座並舊有利運牐年久損壞前
奏拆修均經確估並派運河通判孫厚坤宿北同知孫茂承
邳北通判朱楹等分辦鳩匠興工限期明年重運未到前一
完竣責成徐州道督催不任偷減惟三牐同時並建石料需
多邳宿一帶附近並無產石之處須赴山東花山及徐州等
處採辦路遠物重轉運爲難查運河西岸有安家牐一座東
岸有萬莊馬莊二堤建自遠年爲宜因積水之用久經塌缺
不全又亨濟牐一座建於滌流牐之上因河勢不順幫船挽
行不便兼之正河水深從無淺阻該牐建成無所用之入淤
土中未經挑復均屬廢工擬將此已廢二牐二堤拆起遷取
石料以應現在建牐之用至石料不敷之數再行入山購辦
添補無多採運較易庶工程可速而錢糧較省至舊牐填拆
取石料酌委誠實之員監拆檢選實在丈尺分給派委承辦
各員領運以抵新石之價不容弊混再江境運河牐座與東
省實有不同東境運河僅寬數丈兩岸多有湖瀆容水是以
牐身較小足資啟閉江境地處下游河寬水闊每屆伏秋蒙
沂漲發普漫下注勢甚湧激牐小斷難存立卽江境現有六
牐較之東境各牐牆底之寬長迎水分水之長短迥有不同

上諭百齡等奏添建邳宿牖座現在勘定勒限趕辦一摺昨據該督等奏稱該處河形土性多有室礙添牖無益徒資糜費朕因該督等確查形勢纒晰陳明卽降旨停止辦理今該督等又請於莊家樓及窰灣兩處添建石牖二座所奏前後兩議大屬非是朕綜理庶務從不豫存成見該督等身膺重任於地方公務應辦與否惟當斟酌盡善歸於一是今添牖一事所言自相矛盾甚非實心爲公之道且所奏添牖二座又係將舊有之牖拆除移造意圖將就塞責豈非徒勞無益百齡黎世序不應若此俱著傳旨申飭所有

江北運程

卷二十五

全

該處牖座仍照前旨無庸興辦其江境舊牖損壞者該督等一律修補以利宣蓄

十里

左隅頭集

邳州

一統志隅頭集在舊邳州城東北四十里有運河把總駐此全

漕運道圖四省運河圖岸東有隅頭湖江南運河廳册沂河

邳州

志出東省蒙陰縣歷沂水蘭山郟城至州境又東南流至受賢鄉又東南入駱馬湖由六塘河下注至海州歸北潮河入海

由受賢鄉分支一支西出盧口埧分流爲二一經官湖橋達徐

塘口入運一經武河會出沙家口入運其正流則徑達隅頭湖

入運

五里左岸劉家口邳州

江南運河廳冊劉家口嘉慶二年黃水入運衝決之口每年伏

秋洩運河漲水入湖

詳上河清牘

五里

兩岸窰灣邳州

大東獨自備良齊送至窰灣口其長其三千五百

水程細數單窰灣有汛江南運河廳冊邳運汛窰灣竹簍減水石埧一座金門寬四丈八尺磯心高一丈二尺長一尺寬五尺

康熙十九年建洩沂河之水歸河濟運乾隆二十四年衝塌口

門寬十六丈現在每年築做草埧冬閉春開乾隆十三年將臨

湖上下隄身間段建碎石戩工長六百三十五丈轉漕衡湘筆

記申正泊窰灣東西岸俱多瓦屋汛署在河西窰灣爲邳宿分

江北運程

卷二十五

兌

界窰灣上一帶東岸之東有隅頭湖迤南爲駱馬湖又南爲

縣東湖運道圖言駱馬湖受山東蒙沂等山泉之水由王柳二

埧入運水道提綱

貓兒窩

又東南經馬莊集西又東南經窰灣口

自馬莊集以下南去黃河僅三十餘里至窰灣又不過二十里矣愈南愈近

張公奏議邳州運河

西隄自貓兒窩起至窰灣口止計長四千二百一十三丈八尺

康熙三十六年修築自貓兒窩迤西起至唐宋山止格隄一道

長三千五十丈東隄自貓兒窩起至窰灣口止計長三千九百

六十六丈六尺五寸康熙四十年補修完竣東岸貓兒窩池上

滾水大埧一座康熙二十二年建萬家莊石埧一座馬莊集石

垣一座。俱康熙十九年建。又上下竹絡垣三座。康熙二十七年建。又窯灣竹絡垣一座。康熙二十九年恂按運河廳冊作十九年建。俱洩運河北岸之水。由隅頭湖入駱馬湖。**恂按**窯或作遙。

國朝李宏風雪遙灣夜泊詩風雪遙灣道春帆滯水涯幾聲深夜犬知近野人家

右自黃林莊起至窯灣。泃河行邳州境。計程一百三千里。下

入宿遷縣界阜河。**恂按**漕運全書邳州險隘處所凡十二

若越河頭尾分計則為數十五。曰河清牖。落地名梁王城曰越河頭尾。曰河定牖。

落地名大王廟此處險隘曰越河頭尾。曰沙家口。曰徐塘口。曰河成牖。

落地名新河頭此處險隘曰越河頭尾。曰潘家河口。曰彭家河口。曰三

江北運程 卷二十五

卒

岔河。曰竹箕垣。又按河防志邳州運河上自嶧縣交界黃林莊起下至宿遷縣交界窯灣口也計長

一百二十里。較水程細數單贏十七里。萬里雲程。黃林莊

五里。石拉子。五里。黃道人橋。五里。河清牖。八里。王母山。二

里。泃河。十里。河定牖。八里。沙河。口。四里。灘上。八里。河成牖

五里。三岔河。五里。新河口。十里。貓兒窩。十里。匯澤牖。十二

里。萬莊。八里。窯灣。計自黃林莊至窯灣共一百五里。較水程細數單贏二里。

以上自卷二十三至此紀泃河經滕縣嶧縣邳州境。凡二百六十二里。

江北運程卷二十五終

